

四庫全書

史部

欽定四庫全書

史部
古今紀要卷十五

詳校官庶吉士臣張溥

編修臣裴謙覆勘

總校官知縣臣楊懋珩

校對官修撰臣戴衢亨

謄錄監生臣張紹鼎

欽定四庫全書

古今紀要卷十五

宋 黃震 撰

唐

七

僖宗

中人立之
年十二

專事遊戲國用耗盡

自謂擊
毬狀元

父呼田

令放除官及緋紫皆不關白百度廢弛 即位元年

王仙芝起濮州

乾符

明年黃巢起曹州應之

仙芝亂
五年曾

元裕
平之

巢陷長安帝走成都

鄭畋合諸道兵討賊

軍聲大振賊不敢窺京西而四夷諸道貢獻亦集

李克用以沙陀萬柴十騎破巢復長安

巢亂凡十一年

克

用還至汴巢降將朱全忠因宴攻之克用入表請討

不從由是藩鎮惟力是視無所復畏 王重榮李克

用表誅田令孜進逼京城令孜劫帝走鳳翔

至興元凡三年

朱玫立襄王煬王重榮殺之 秦宗權附巢賊繼

亂凡六年

昭宗時朱全忠斬之

孫儒為宗權將又後四年亡

昭宗

時楊行密斬之

帝在位十四年而仙芝之亂相繼凡十九

年

相

蕭傲

華之孫 給事中封還宣宗除李璡節度詔
劾李璡經畧安南鎮嶺南南方珍賄不入門

市稿梅還厨
諫懿宗事佛

築堤徙滑州河流
以鯁直見忌

子廩亦乃第傲
在南海繕書

廩以薏苡諫止
賤估太倉賑貧

乞禁夜行以備賊課
尹京殺田令孜養子

裴坦

知制誥故事初詣省回丞相送之裴休勃然索
肩與正省吏駭謂唐興無此辱相不數月卒

簡儉 子娶楊收女齋具多金
玉命徹之回亂我家法世清其際

崔彥昭

吏治精明所至課最 河東威惠境內大治
耆老叩關願留 為相與蕭傲草楊收之失

百職修舉寢不至苛 退朝侍
母順色柔聲 逐伶人李可及

鄭畋

白敏中令狐絢怨德裕十年不調劉瞻為相

入翰林

詔書紛委

聚然無不切機

要瞻諫迂

懿宗賜罷畋以草制有褒辭罷

傷宗袒之導者

止百步舊聯數坊訶止行人禁百官僕吏不得

擅至宰相府使韋荷廣州煮鹽取直糴虔吉米

贍安南舊取之嶺北五道

王師甫自嶺南獻錢

二十萬畋罷之

星變求去

巢賊求鎮天平改

子之盧攜方仕高駢不可攜又欲以駢請以公

主嫁南蠻畋力爭至詬罵上俱罷之鎮鳳翔帝

幸梁畋檄諸道兵討賊又先諸將破黃巢于鳳

翔巢不敢西賴以復國時王命不出劍門畋傳

檄天下遠近咸聳

賊退辭疾去

復相不從田

令孜干請不許陳敬瑄居宰相上以讓斜谷

功乞免孫鄴駐罪乞賞陳秋兒拒賊不廢耕

遷授依故事稟行至大夫比月校書郎

以上二歲賊平上將還又引疾去

以上二歲賊平上將還又引疾去

盧攜

安陋語不正為相欲高駢立功固諫以天平與黃巢又激巢使戰以敗王鐸以薦驩復

相南內挾田令孜外倚高駢貨賂公行賊破淮南天下咎之始詔巢鎮天平而賊已入潼關

斷棺礫戶

李蔚

諫懿宗飯僧禁中自為贊頌太原惠政為人所懷使鎮河東定亂至三日卒

王鐸

播弟子禮部取士多實才韋保衡由之得相保衡將大斥不附已者遂乞去鎮宣武

當國練制度智慮周密天下跂其復相鄭畋又薦之遂相自任討賊鎮荆南无功高駢代鎮

幸蜀召相怏慨討賊號令殷然士氣皆起巢賊日感田令孜欲功出北司譖罷之雖功垂成而

見奪然卒因其勢困賊京師復動第一徙鎮義昌華車服妾樂從訓劫之綱目謂在相位

不明是非用盧攜而沮鄭畋信裴渥而庇宋咸一
年之間使賊火熾為都統不能遏黃巢更生劉漢

冠宏一

崔沆

鉉子

宣麻大霧百僚修慶大風雷雨
巢賊浸盛請裁過多為盧攜沮折

豆盧瑑

與沆同麻相无他才推附盧攜
京師陷與沆鄴同匿人家兒殺于賊

鄭從諫

懿宗時吏部銓次明允鎮河東宣武皆善
最鎮嶺南募士豪署其酋右職使相捍禦

交廣晏然相僖宗李國昌據雲州出鎮河東自
擇參佐皆一時選號小朝廷貌溫氣勁好謀善

斷凶佞惕伏部兵出討巢賊李克用以沙陀
兵奄入乘之從諫登城諭使立功報天子辭窮再

拜去既而大敗其兵朝廷赦沙陀使擊賊自贖
兵不敢道太原克用過城下辭而後入賊平克

用代鎮復秉政從帝興元乞骸進止有禮法
不矜滿沈毅兄處晦没于鎮訖代不奏樂
放陸扆用張彥球時鄭畋以宰相鎮鳳翔多
檄討賊兩人以忠義相維賊憚之號二鄭祖餘

慶事
憲宗

王徽

不峭尚注
浩然歸重

拾遺書二十餘上言无回忌公議
為考功初以墨注考簿繼盧攜

相是日巢入京師追僖宗不及賊執之脅以刃
不動奔河中奉詔討賊功居多修葺京師請

帝東還權幸乘勢治第侵民者一平以法遂被
譖罷終僖宗世屢召皆辭疾昭宗召見進對

詳洽手籍銓選遂無奸滯有雅望相一日
而京師亂故設施無可道鳳閣王氏位臺省

牧守者三十
餘人

裴澈

令孜聞巢入關奏貶盧攜而薦澈澈相孔緯劾其與蕭邁鄭昌圖相襄王烜皆殺之

蕭邁

貞子字得聖朱玫迎帝鳳翔而玫廢立召復臣以濟亂反為所汙而死然有拒朱玫之

言有罪狀令孜之奏不譔為冊棄官歸永樂則與裴鄭身相者有間獨不下田令孜資大節王

佐自任當國風采峭整史稱為相五年行完而材初王鐸主貢舉取之後同相位扶其踣

斥播州道三岐白帝呵之

韋昭度

僖宗相之于蜀再狩遇李昌符亂質家族于禁軍誓共討賊相昭宗見後

孔緯

孫為懿宗中丞方雅疾惡中外聞風輒肅為吏部權要私謁盈几不省幸蜀時奉詔

還趣召百官皆辭疾曰吾妻子死且不顧度朱玫必反請幸梁遂相昭宗以太學焚殘使兼祭

酒請以所兼官為之服
李順節為使相當班見
服請以所兼官為之服
李順節為使相當班見
緯判天武健兒據堂受禮乎
獨贊張濬討克用
濬敗以傳會貶
全忠與善為請屏居華陰
復
召以
病歸

杜讓能

審權孫 守蜀奔謁為翰林號令行下處事
無遺筭帝倚重之 出鳳翔走寶雞皆獨徒

步從 諭王重榮輸貢行在 昭帝亦倚相之
茂貞驕慢上決討之苦諫未可軍敗茂貞稱兵逼
帝殺之本傳謂欲奪
茂貞鳳翔故稱兵

張濬

西狩軍乏食教漢陰令獻糧餌士至厭給上因
召之 說平盧王敬武共討賊 再狩相之

相昭宗
事見後

諸臣

侯昌業

上疏諫遊戲及宦官無上社稷將危賜死

董禹

諫遊畋上賜金帛李侃求贈假父官語侵宦官楊恭復訴貶之

孟昭圖

帝在鳳翔極論不當外宰相與中人謀議令孜沈之墓頤津

常濬

言姑息藩鎮太甚令孜役之

殷盈孫

還京斟酌再創廟制昭帝郊議中人攝官服喪亂後追補容典皆折衷焉

周寶

擊毬進鎮涇原務耕聚糧號良將和裕喜接士巢賊據宣歙徙鎮浙西亂不能制兵

叛奔常州錢鏐迎殺之而取常潤

王處存

定州間賊陷京號哭累日入援約王重榮進屯渭橋國難未平語輒流涕軍中多其

義為之用 曉克用共平京師 勤王舉義處存
第一收城破賊克用第一 復會諸軍勦賊泰山

諫討王重榮 鎮河中臨事便宜有大將風
善修鄰權撫民下士無能侵軼 卒於鎮

劉巨容 龐勛反自拔歸為明州鎮遏使平王郢
鎮山南大破巢于荆南不肯乘勝追斬故賊

復職不能拒秦宗權奔成都 匿
化黃金申屠生令孜恨之夷族

顧彥朗 往鎮東川陳敬瑄奪其節不得入詔
和之助王建攻敬瑄詔又和之 彥暉為

留後 王建攻其八州詔和之兵
不解自殺 建自以華洪鎮東川

忠 黃碣 吳鐸 張遜 碣諫董昌反昌夷之召會稽令
義 吳鐸問策鐸又斥之昌又夷之

又召山陰令張遜
遜又忤之亦見害

官楊復光

佐曾元裕擊仙芝約降而宋威問之仙芝復叛使段彥謩擊殺荆南宋浩周岌附賊

因夜宴感之岌流涕斬賊使

入蔡州諭宗權遣

兵從復荆襄

敗朱溫將

與王重榮定關中

知克用非忍禍者兵必來

諭朱溫以同州降

慷慨喜忠義

賜功臣號八字

御下有恩其死軍

中慟哭諸子為將帥者數十

田令孜

以知書能處事故帝一委以政

巢賊至東都

王室輕重益恣

奪王重榮鹽池重榮表其罪克

用亦請誅令孜令孜自將討之大敗走焚坊市

夜劫帝至興元羣臣莫知

昭宗流之自為劍南

敬瑄同見殺

養子李茂貞

藩鎮魏博韓君雄賜名簡君雄子上在蜀恃強覬望非

還攻河陽敗死樂彥禎貴儒術見王

軌城魏周八十一月畢人怨其殘子從訓

劫王鐸取其家又聚亡命軍中益怨軍亂皆

鎮冀王景崇子鎔十歲為留後四面豪傑并起獨

饋粟僖宗自蜀還獻馬牛萬戎械萬計克用三

攻之皆求救於幽州李國威國威為弟所逐來奔

盧龍李可舉遣李全忠攻王處存大敗李全忠衆推

匡威

全忠子恃燕勳兵處軒然有雄天下意與克用爭雲代朱全忠亦願討克用故張濬

因請用兵弟匡
著逐之依王銘

竊趙犇

陳州人巢賊亂州人請為刺史料賊敗關中必先備賊果至與秦宗權圍城三百日

大小數百戰卒破賊宗權畧地數千里屠州二十餘惟陳獨全方巢圍急賴全忠掠復振又知其必成大事故委輸調發助全忠昶陳州同破賊常先它鎮將老軍事付弟昶昶時言方鎮

忠於吏治者為珣雄殺喜書善騎射巢賊之難舉昶犇子珣繼珣激厲約死政簡濟一家三

節度相繼二十餘年陳
人德之
后移鎮同州

王重榮

與兄重盈殺武冠軍多權詭雖主帥莫不下之巢賊陷京師兵畧河中因逐其帥李

都朝廷遣代亦逐之自主留后大敗賊將朱
溫黃鄴溫以同州降楊復光欲斬之重榮更請

表鎮同華與復光犄角大敗巢賊又與謀
結克用軍賊復京令孜怒其據鹽池徙鎮沔海

表劾令孜令孜使宋玖討之玖敗潰軍大掠京
師上走鳳翔與全忠謀定王室獻縑十萬願討

玖自贖長安復平性悍酷部將常行儒攻殺
昭宗之時子珂珙瑤爭鎮克用薦珂繼鎮珙瑤

與王行瑜李茂貞連兵犯闕全
忠取河中殺珂自興至亡凡十年

馮行襲治擊卿豪孫喜據均州平長山賊通襄漢
貢道檻谷口通秦蜀鳳翔攻金州茂貞

養子所據楊守亮將襲京師行襲逆戰破之
附主忠殺韓全誨督江淮兵中人王建攻走之

孟方立邢州軍卒據路州因鎮昭義徙軍于邢
路人怨之李克修攻之澤路歸晉自以

邢磁名為鎮遂有兩昭義克用攻邢州之人殆
盡勢窮自殺弟迂繼之彼攻亦_闕迂姪孟

知詳見

五代

諸葛爽

傳易縣五百逃從龐勛已而自歸鎮銀夏
巢賊至降之使鎮河陽間道奉表襲朱

溫于同州敗歸河陽
法令登臺醢愁咨

劉漢宏

從大將擊仙芝劫輜重以叛王鐸降之以
為浙東觀察僖宗在蜀貢輸踵繹帝以為

節度既有七州志遂侈大綱目載王鐸討黃巢留
屢破之又破于越斬之綱目載王鐸討黃巢留

漢宏守江陵大掠比歸為盜而不載鐸降之事
本傳謂乾符末焚掠江陵而王鐸用之守江陵時

正在乾符末當
以綱目為正

高仁厚

事敬瑄西川與敬瑄將黃頭軍挾京師閑子會邛州賊畧諸縣涪州峽中皆反仁厚

還定之擒阡能敬瑄表代楊師立鎮東川師立反攻成都仁厚攻殺之既詔鎮東川遂據梓

州絕敬瑄敬瑄攻殺之

黃巢

募衆應仙芝轉寇河南十五州斬州裴渥慰撫之而朝廷獨官仙芝巢怒激仙芝不受命劫

州兵分其衆掠齊魯入鄆陷沂圍亳仙芝餘黨推為王驅河南山南民十餘萬掠淮南

取濮掠州縣欲窺東都巢兵之分掠江西者為高駢所破襄城陽翟者為崔安潛所破浙者為

裴璩所破大懼求降未幾轉寇浙東陷桂管冠破吉饒信趙建入閩諸州皆沒

廣州求鎮天平盧攜田令孜執不可又求安南都護于琮不可命王鐸討之比還破潭州鐸奔襄陽

走據江陵劉巨容敗走之轉掠江西再入饒
信杭衆二十萬臨安董昌敗之還殘宣歙十五

州自米石侵揚州高駢不出渡淮陷東都
陷京師僭號稱大齊李克用決戰遂東走徐兗

數十州大饑俘人而食日數千克用
躬追屢敗之走保太山刎首與其甥林言

秦宗權

蔡州薛能遣蒐兵因據州巢走出關與合
兵圍東州趙犇巢亡張甚有吞四海意

二弟寇荆寇襄破東都關陝又使人寇淮肥
畧江南亂岳鄂所至蕩為荆棘自關中薄青齊

南緯荆郢北亘衛滑惟趙犇保陳全忠保卞僅自
完未嘗持糧指鄉聚啖其人為飽尤慘于巢

全忠屢敗之
昭宗初伏誅

孫儒

為秦宗權攻東都焚宮闕屠宮人取河東亦
焚屠之鈔淮南背宗權奪楊行密揚州欲

先定江南乃北爭天下焚揚州南攻宣州取常潤
蘇兵號五十萬自廣德圍行密于宣州行

密敗之廣
德斬之

董昌

臨安人拒刺史自領州事綱目作錢鏐取越
州破劉漢宏兵益強始治廉平人安之天

下不輸賦獨昌賦外獻常三倍旬一遣朝廷賴其
入得拜平章詔書予以繼與當制官意足浸侈

大託神詭衆立祠自神斬狂悖昭宗時
自稱聖人建國改元鎮海節度錢鏐責以義不

聽鏐表之朝悉
兵入越斬之

反朱

攻邠州斬巢賊將以兵討賊賊平拜平章令
攻以兵屬之討王重榮上幸鳳翔重榮克

用請誅令攻蕭通召攻迎帝令攻挾帝走陳倉
攻遂劫奉嗣襄王煜為帝王行瑜斬之京師大

亂

卷十五

高駢

崇大孫與諸儒硜硜談治道落鵬侍御
懿宗討黨項久無功獨能以奇終獲南詔入

寇為安南都護南詔掠成都徙西川先開門出
民復其業虜聞引去突將因咸廩為變盡夷之

始以磚城成都荆南窮仙芝餘黨賊走嶺表
仙芝餘黨掠浙西徙鎮浙西徙淮南檄天下

討巢賊威振一時天子倚重巢懼偽歸命駢欲
專功罷諸鎮兵巢氣勝渡江又欲留賊為已計

聽賊趨河南上冀其立功屢促不行移檄出兵
東塘而還上以王鐸掌其兵而賊又平遂悵恨

求仙于諸葛殷以鎮事屬呂用之用之狂恣
畢師鐸攻走之而因駢楊行密兵至秦彥廩駢

內應殺駢行密至
揚州孫儒又攻走之

昭宗

僖宗弟楊復恭輔立

尊禮大臣夢想賢豪踐祚之初中外欣

欣然

事多謀之大臣而所用張濬朱朴輩非其人

以李茂貞驕橫討之茂貞與王行瑜舉兵犯闕殺杜

讓能

從李克用請以王珂鎮河中王行瑜李茂貞

韓建三鎮兵犯闕殺韋昭度李磎

克用討三鎮王

行約李繼鵬作亂劫上幸鳳翔上如石門

克用誅

行瑜表請還京欲并討二鎮詔止之

明年茂貞兵

又犯闕韓建邀帝幸華州脅帝囚八王盡散其所領

兵及殿後四軍於是天子之爪牙盡矣

初上在石門諸王統兵十

三萬宿衛

劉季述憂帝崔胤討之復帝位

崔胤

字昌謀退

誅宦官召全忠兵

韓全誨亦召茂貞兵劫帝幸鳳翔

全忠圍帝鳳翔急茂貞盡殺宦官納全忠 全忠

遷帝洛陽弑之

立哀帝盡殺朝士裴樞等投之黃

河而篡之

相

張濬

相僖宗

初依楊復恭進後更依田令孜故復

昭

恭怨之

自比謝安裴度多言其有方畧

宗以與復恭不叶復委信

克用聞其相謂其虛

談無實用必變亂天下故啣克用

請強兵請

從全忠請自任討克用軍敗
上書言朝用濬則暮以兵見
亂徒步入洛謀靖王室
之難全忠屠其家
全忠表復用克用
既致仕劉季述之

杜讓能

茂貞逼
上殺之

孔緯

楊復恭肩輿至太極殿在上前面指為反賊不
許李順節班見百僚全忠求領鹽鉄曰此職

非典兵不可詳
並見相僖宗

崔昭緯

見奸
臣類

鄭延昌

巢寇亂鄭畋在鳳翔倚調兵
食諭尉諸軍為相無他功

崔胤

見奸
臣類

韋昭度

相僖宗事見前昭宗使代敬瑄鎮西川不納王建給之歸定山東而建攻敬瑄囚之自

為留後復相不許王行瑜求尚書令之請行瑜茂貞聯兵闕下殺之

鄭紫

宴甚巧補廬州檄黃巢不犯州藏州庫它盜至終不犯鄭使君錢為給事中

還杜弘徽中書舍人制不報移病去以其兄讓能輔政為散騎常侍條摘失政衆譴傳之詩誦諷中人昭宗遂相之搔首嘆歌後鄭五作宰相時事可知辭不得品然無復故態二月以疾乞骸骨善詩故為俳諧落調世號鄭五歌後體

李

竇廊孫巢賊亂挾尚書八印走河陽賊劉允章索之不與苦諫高駢受嗣襄王偽官崔昭

緯諷劉崇魯掠其拜相麻哭言其懷奸與中人昵譏十表論其拜令孜勸昭朱玖上以文字器遇

之決意復用茂貞等又詆之與王行瑜擁兵關
下殺之好學著文解書甚多書至萬卷世

號李
書樓

陸希聲

相四
月

王搏

明達有度時稱良相南北司相軋請俟難
平以道漸消盾使全忠表殺之盾始專政

朱朴

諫以品官兩月俸助軍興請都裏鄧木強
無他能道士許巖士言有經濟才見上自謂

太平月餘可致遂相人人大驚軍旅財賦一委
之令四方近者出甲士簡餉遠者上羨餘巖

士誅
亦貶

孫偓

與林同相通簡不矯飾嘗謂士不必以已
長形彼短已清彰彼濁對客奴童詬曳仆前

不責日持怒心即自撓
家第
桂生槐枝既而秉政與仆同貶

陸康

贊族孫翰林中書屬辭敏若注射自學士
院為相創光院錢五十萬諫以嗣覃主伐鳳翔

上疑之韓偓為解諫大赦不及李茂貞
柳璨為全忠謀去衣冠有望者殺之白馬驛

崔遠

風致峻整搖飮坐梨見文宗崔珙類朱
全忠殺崔胤與柳璨同相璨忌之貶死

裴贄

坦從子帝疑其外風檢曜帷薄韓偓為
言其雍友合疏屬以號藏獲猥衆故致謗

王溥

上蒙難與崔胤殺劉季述反正遂相之無所
裨益罷朱溫侵逼與裴樞等投尸于河

裴樞

遵慶曾孫素結全忠故能諭江川使貢獻不
絕昭宗悅相之鎮清海全忠言經世才不宜

棄外復相譏全忠用牙將張
廷範為太常李振勸投之濁流

盧光啟

上幸鳳翔宰相
不能從故相之

韋貽範

蘇檢

皆自貶所歸行在繼光啟相
貽範恃茂貞薦恣驚不恭數月卒
檢以

貽範薦于茂貞女為景王妃固恩
還京流檢賜光啟死貽範受賂許入官而以喪罷日為債

家所噪茂貞
為起復相之

諸臣

柳玘

副高湜鎮昭義三疏申理湜之貶
鎮嶺南食橘納賈于官巢賊陷交廣逃歸御史大夫清

直有父風上欲相之中
官諧止述家訓戒子孫

楊涉

楊收弟子端重有禮法為相受命與
家人泣然以謙靖終免禍子疑式

韓偓

與崔胤策誅劉季述與胤及李繼昭皆以功
進號三使相請擇宦官忠厚可任者自剪其

黨帝謂終始屬卿全晦召茂貞偃諫謂無兵則家
與國安 肅曰全忠亦諫 不草宰相韋貽範起
復麻疏罷之 帝反正厲精政事偃處事機密率
與帝合 蘇檢為經營入相曰以此汙我 帝欲
相之肅使全忠貶之帝泣我左
右無人矣 挈族依王審知

楊守亮

色如鉄 從仙芝為盜 僖宗時楊復光平
江西得其兄弟五代恭養孜作復為假子

京師平昔以功為節鎮 昭宗時楊復恭得罪走
興元依之 舉兵拒命 茂貞等表其納叛討之

走閬州王建破
閬州走太原伏誅

忠義 遜揆 罵李克用死狗奴
鋸人當以板束

卓司空圖 奔避黃巢其奴陷賊中招之不肯 奔從僖
宗 拜官多不受 陽墮笏避柳璨歸隱中

條山王官谷 圖唐興節士又人名亭曰休休作
文見志曰休美也休而美也 不受王重榮饋遺

人依以避難 全忠乃不往哀帝被弑不食卒

大吳融

山陰人 昭宗反正稱賀先至 帝
指授疊十許稿融範作詔少選而成

官嚴遵美

類比司供奉官勝衫給事今執笏過矣 樞
密使無聽事今堂狀帖黃決事此楊復恭奪

宰相權之失 從昭宗遷鳳
翔求致仕隱青城山年八十

楊復恭

監諸鎮討麗勛 令孜專威福時惟復恭屢
爭得失 僖宗在興元制置經略多出其手

立昭宗漸恣橫 忌王瓌 后使人覆其舟于
江 諸子為州刺史 養子六百監諸道軍天下

權勢舉歸其門 帝忌之寵其假子賜姓名李順
節以亢復恭 復恭走興元楊守亮舉兵拒朝廷

鳳翔李茂貞邠州王行瑜自
攻取興元斬之茂貞始強

劉季述

崔胤殺景務修宋道弼
左右中尉疾胤尤甚弼

季述王仲先代為
亦結全忠因昭帝

欲盡誅百官乃殺之胤使周
承誨斬仲先季述死萬挺下

韓全誨

張彥弘

胤既誅季述欲與宰相自分堂左
右軍李繼昭以為不可乃以全

誨彥弘為左右中尉全誨諷茂貞選兵四千宿
衛胤亦諷全忠以兵三千居南司全誨與外

兵合勢恣暴又奪三司隸神策交通謀亂胤急
召全忠兵全誨焚宮城劫帝幸鳳翔依茂貞

全忠圍鳳翔急茂貞盡殺全誨等帝入全忠軍回
京師全忠又盡殺在京中人諸道監軍卒弑帝

唐王

藩鎮魏博羅弘信

全忠討巢賊餉粟三百馬二百五代史云攻晉乞米不與有隙故攻之五戰皆

勝弘信求和絕晉全忠嘗卑辭厚禮事之故取河北無後顧自田承嗣至此已二百年子

紹威

幽州劉仁恭掠之賴全忠大敗之故事全忠愈固時語長安天子魏府牙軍言其勢

強也紹威引全忠盡殺牙軍勢遂孤為營宮室

為招降劉守光又為造舟漕穀與羅隱通譜

鎮冀王鎔

常賴李匡威禦李克用匡威死克用攻之納幣五十萬糧二十萬求盟全忠攻

之鎔使周式求和質子全忠竊位又攻之故鎔又附克用而晉益強視諸鎮獨安樂驕侈求長

生軍亂滅其宗自延湊起凡百年

盧龍李匡威

匡籌之逐匡威劉仁恭奔太原李克用厚待倚以敗匡籌匡籌奔京師道為

盧彥威所殺幽州地歸克用以仁恭守之

劉仁恭

克用召擊王行瑜召攻魏州召救朱瑄皆不答盡囚太原士之在燕者克用自將

擊之喪師過半獻馘于朱全忠取滄景德三州為子邀節鉞以兵十萬畧魏紹威求救于全

忠大敗之仁恭遂衰復求救于克用學長生子守光囚之而奪鎮

竊據

趙德諲

為秦宗權敗走劉巨容宗權以為山南留後攻取荆南收貨貲復失之舉地附全忠

子匡疑

字光儀繼鎮山南以威惠聞謀與諸鎮攻全忠下克反為所攻懼乞盟獨歲

貢賦天子全忠止之流涕曰吾為國屏翰詎敢有他志因絕全忠全忠攻之敗奔揚州初上

欲都襄陽
依以自全

時溥

徐州節度支詳遣討黃巢兵亂逐詳而推之巢
圍陳州溥討之戰輒克尾巢至萊蕪大破之

得其首以獻故破賊功溥第一與全忠爭功構
隙全忠威略徐河溥益困燕子樓自焚

楊行密

合肥人少為盜秦彥殺駢攻彥取揚州昭宗
高駢表盧州秦彥殺駢攻彥取揚州昭宗

初孫儒奪揚州表襲勸還盧州襲奪趙鎰宣
州朝廷以為寧國軍殺之取常潤儒屢困之

圍之宣州斬儒長駢入揚州凡戰七年定八州
揚州生人已空從高勗言務農休息勤儉足

用幾復承平詔鎮淮南來奔者推赤心不疑故
兵強天下兵號墨雲都取楚泗濠昇寬易善

遇下得士死力南攻錢鏐北攻全忠敗全忠
清口帝自鳳翔告難督兵花糧盡還全忠劫

帝東遷憤恥得疾 史稱仁恕節儉惜 渥襲走王
不能倡四方興王室 哀帝末子溥嗣 茂章

執洪州鍾匡時 張顥
制之殺其腹心三人

王師範

父敬武奪平盧鎮之 師範襲鎮不受代喜
儒術用法無私 全忠圍昭宗鳳翔聞有詔

召兵泣曰兵所以藩屏天子天子危辱而諸鎮反
自衛吾雖力不足當成敗以之 結行密潛兵入
河南同日並發 又伏兵于海欲劫全忠皆不克
全忠還攻之敗降 卒族之 會族置酒少長

以次就戮
者二百人

劉建鋒

馬殷

與孫儒同事秦宗權殷又為儒將昭
宗初儒死殷以殘卒推建鋒 畧江

西取潭州鎮之 嗜酒荒淫陳贍殺之衆推殷代
高郁勸殷歸天子職貢遂結全忠請于朝為湖

南留後 郁又教鑄鉛鉄錢使民得自採茶歲入數十萬 取邵衡永道柳連昭賀梧象柳宜蒙州及容管 密詔與行密攻汴畏全忠訖不出五代時為楚 凡秦宗權黨時皆名蔡賊

郭禹

本成汭 入蔡賊為假子更姓名 昭宗初逐荆南帥王建肇據之 襲據歸州 知吏治詳

治獄數詔刻石頌功皆辭 兵後荆南惟十七家撫集彫殘通商務農晚年殆萬戶時華州韓建亦以治顯號北韓南郭 初任賀隱故少過晚任妻父至殺諸子絕嗣 行密奉詔圍鄂杜洪禹為全忠倚角救之為李 神福所敗沒江死

韓建

從楊復光攻黃巢 復光死無所屬迎僖宗于蜀至興元逐牛叢 上還以為華州 大兵後

督耕植號南郭北韓與張審討克用 與行瑜連兵犯闕殺宰相 邀幸華逼上散殿後軍殺諸主

謀廢立 降全忠 上宴全忠 躡足使出 後為全忠相

王建

無賴號賊王八 為楊復光都頭 迎僖宗于順上喜與韓建等號隨駕五都屬田令孜 今

孜養為子 楊復恭出建壁州 攻取閬利州 今孜自成都召之建大喜復悔而止之建大怒擊

取漢州 陳敬瑄出兵逆之皆敗 自此攻取兩州據之詳見五代

李茂貞

博野卒 攻朱玫有功賜姓名節鎮 扈僖宗東歸擊敗李昌符遂鎮鳳翔 擅興兵殺

興元楊復恭父子 徙山南不奉詔昭宗討之遂犯闕殺杜讓能 與克用爭立王珂率三鎮犯闕

殺韋昭度等 克用請討不許 昭宗募兵以諸王將之茂貞又犯闕上走華州 韓全誨劫上幸

鳳翔全忠圍之渝年遂殺宦者與全忠盟 方盛時有州二十至梁末惟七州而已 稱臣于唐既

死子從
贖代鎮

李罕之

為僧無賴去乞食乞食不得為盜依巢賊歸高駢又歸諸葛爽尹河南為孫儒

所破克用自上源敗回迎謁甚謹與張全義擊儒分取河陽克用表鎮之麤暴為全義所襲

克用以為澤州鈔略懷孟數百里無舍煙攻殺摩雲山居民號李摩雲李謹攻之急克用救之

克用討王行瑜表自副望一鎮不得甚悵悵據路叛歸全忠

張全義

即張言全忠又名為宗爽初從巢賊繼事諸葛爽與李罕之分據洛陽附于全忠

撫民勸農遂成殷富罕之誅求不已遂有隙全義襲取其河陽罕之奔克用求救全義乞兵全

忠敗之為全忠營宮闕全忠既篡事之益謹梁與晉戰數敗亡常蒐備以補之在河南幾三

十年為全忠助
甚多梁亡事唐

朱宣

朱瑾

曹存實據鄆州敗死宣收殘卒固守軍中推留後弟瑾勇冠三軍亦陰有爭天

下之志求婚于兗州齊克讓因奪其鎮兄弟雄張山東宗權攻全忠急宣瑾救之全忠忌之

求隙數攻之大敗幾不得脫乃謀持久歲一再擾之苦戰曹濮門十餘年全忠十興師四敗績

而宣卒見殺瑾奔淮南事楊行密甚力為具殺徐知訓而知誥族之

王緒

王審邽

王審知

僖宗時壽州屠者王緒合羣盜據壽州潮主廩士推

其信

緒附秦宗權

宗權貢賦急緒南走潮與

二弟從至南安縛緒

列二劍祝之至審知劍躍

審知議潮為將而已副潮出令交廣入巴蜀以幹王室泉州人牛酒迎勞審知監從弟彥復

取福州汀建齊歸昭宗以福州為威武軍使鎮
作四門義學還流亡定賦勸農人安之潮卒

審知襲事全忠審知亦儉約禮士仕
中原公卿多來依之

宦者亦多依之全忠
封為閩王餘見五代

劉知謙避亂封州節度韋宙妻之托子孫黃巢亂
據封州撫流亡畱用養士境內肅然子隱

繼之攻虔州盧光稠敗走賂
朱全忠自固五代時為南漢

杜洪逐岳州刺史居之又據鄂僖宗拜節度推附
全忠絕東南貢路昭宗遣使東出皆殺之

行密將李神福圍之行密斬之朱全
忠救之兵亦敗

鍾傳洪州人眾盜推為表鎮仙芝掠撫州不能守因
據之取洪州撫州南城民危全諷間傳去之

據撫州 廣明後不鄉貢惟傳歲貢士行鄉飲士
不遠千里至 少射獵與虎鬪既責悔之 晚節

重斂商人至棄貨去
昭宗末子匡時繼

匡時

弟匡範擊江州歸淮南構之楊渥圍洪州執之
全諷謀大舉向淮南蒐衆十萬王茂章謂不

足當揚州下等
梁末為楊氏所并

田頴

行密同里約為兄弟 事行密奔廬州謀居多
攻宣州禽趙錦 行密攻取皆其力 表鎮

寧國 行密左右求質不已願求池歛不得遂怨
李神福勸行密早圖之陷其殺良將康儒

攻錢鏐于杭鏐為犒軍質子 絕行密通全忠
反攻昇州行密將吳蒙敗之死于亂兵 寬厚善

治愛
民

朱延壽

事行密戰功居多壽州高彥濕歸全忠攻

救之全忠屯壽春擊去之取黃蘄光三州
昭宗詔圍蔡以破全忠壽州開門待全忠

用軍常以寡鬪衆還者盡斬與田頔謀絕行密
行密詐以代鎮

誘至揚州殺之

張雄

武寧將懼時溥乃合兵渡江壁白下取蘇州
治臺城為府有戰艦千餘善馭衆其死人為

廟立

馮弘鐸

代為刺史善騎射侃侃若儒者納好
行密襲田頔于宣大敗行密恐其入海

復振迎
歸自副

奸臣崔胤

慎由子險譎崔昭緯薦得相昭緯誅亦
出結全忠還相逐陸康昭宗醜其行罷之

濟宸復相 鎮清海又托全忠還相殺王搏誅中
尉號崔四入 欲誅劉季述召全忠兵全誨

却帝幸鳳翔全忠圍之 肩盡誅宦官分斥近臣
知全忠篡則奪已宰相募兵為備 全忠殺之

肅死十日全忠遷帝于洛
遷移百姓啼號罵國賊賣社稷

崔昭緯

險刻 上委社讓能調兵食召茂貞行瑜稱兵殺

之 又導三鎮兵殺韋昭度等 行瑜誅亦罷
復請全忠薦已又賂諸王詔條其罪殺之

柳璨

公綽族孫 貧 諸柳不齒 非吏通作析微
昭宗好文或薦代李蹊 帝密拜為相繼崔

肅 起布衣至相不四年 挾全忠 結宿衛
因長星見殺大臣三十餘人 脅哀帝遜位為冊

禮使 全忠流而斬之 臨
刑自悔曰負國賊柳璨死宜

臣叛

王行瑜

朱玫列校斬玫遂鎮邠寧與茂貞韓建弟行實求討山南楊守亮不從自擊取之

李克用欲以王重榮子珂繼鎮河中行瑜不可陳兵闕下殺韋昭度欲廢天子克用問罪敗走為

下所殺

陳敬瑄

弟田令孜使擊綦得第一鎮西川僖宗幸奉天號慟迎帝緒治行宮奉行在百官吏

無敢乏駕東供億豐餘黃頭軍奴敗巢賊賊戒無與鵠免闕殺京師閑子數千不肯剽閭里

者令孜得罪亦被流會昭宗立不奉詔令孜自出監西川軍亦使募黃頭軍自擊又召王建激

之亂為敬瑄計建乞討之詔三發兵大疾時罷兵建不奉詔圍之二年敗之建自稱留後斬

敬瑄盡有

兩川黔中地

李巨川

逢吉曾孫 王重榮討巢賊書檄報發神安思敏 貶興元楊守亮用之 韓建禽守亮

建用之 畫策脅昭宗囚八王盡散其殿後軍 日夜導建不臣 全忠攻潼關建使納款全忠殺之

四夷

唐蠻夷抗衡者四突厥吐蕃回鶻雲南是也時

羣臣獻議劉貺以為嚴尤辯而未詳班固詳而

未盡周得上策秦得中漢無策

叛不勞師降不釋備故曰周得上

秦築長城限中外後魏亦人築一步方千里役三十萬人不旬朔而獲久逸故曰秦得中漢以

魯元不能止趙王之逆而冒頓手弑其親乃冀其不與外祖爭武帝時胡寇益希宜疏絕而連兵昭宣時匈奴遠遁猶給西北歲二億士十萬魏晉資奉踰昔絲粟散數萬里外中國為羌胡殺且千載故曰無策嚴尤謂古無上策不能臣妾之也誠能之而不用耳秦无策攘狄而亡國也秦亡非攘狄也漢得下策謂伐胡而人病既病又役人奉之無策也故曰辯而未詳班固謂禮遜非所以接禽獸夷狄而漢杜佑謂周畝百飽豺狼以粟肉故曰詳而未盡步秦以二百四十步而一夫百畝又誘三晉之人耕使秦人應敵于外非農與戰不得入官大率百人兵農各半故國富兵強今百人才十人為農餘皆他伎又秦浚鄭渠溉四萬頃白渠溉四千五百頃永徽中兩渠溉不過萬頃大厯減至六千畝畝腴一斛歲少四五百萬斛欲富強不可

也漢長安北七百里即匈奴侵畧不息晁錯
備障塞而北遼安今潼關之西隴山之東廊坊
之南終南之北十餘州數十萬家誠能復
兩渠趣耕屯蓄河隴可復豈惟自守而已佑孫

牧亦曰

天下無事大臣榮逸戰士離落雖然盜
發則疾驅以戰此不蒐練之過其敗一

也百人荷戈仰食縣官則狹千夫之名大將小
裨採其餘贏以勇壯為幸執兵者常少糜食者
常多此不貴實之過其敗二也小勝則張皇邀
賞爵命極矣田宅廣矣金繒益矣子孫官矣肯
外死勤于我哉此賞重之過其敗三也罰輕之
過其敗四也不專任之過其敗五也元和團兵
數十云以誅蔡四歲然後取五敗不却也長慶
初盜來走命未幾而燕趙亂五敗益甚二杜之
此論如
代宗德宗時吐蕃再入常以南詔為前鋒

自度不能留輒引去蜀人語曰西戎尚可南蠻
殘我至韋皋鑿青谿道以和羣蠻使道蜀入貢
使子弟習書筭于成都業成而去習知山川文
宗時大入成都自越嶲以北八百里民畜一空
又敢率貧民因緣殺掠羣蠻常有屠蜀之心孫
樵謂宜詔嚴道沈黎越嶲三州度要害募卒以
守兵籍于州則易役卒出于邊則習險春
夏耕蚕以資衣食秋冬嚴堅壁凡突厥吐蕃回
以俟寇戎此其備禦之可施行
鶻以盛衰先後為次東夷西域又次之迹用兵

之輕重也終以南蠻記唐所由亡云

元宗置十節度經略

使

安西節度撫西域治龜茲城

北庭節度

制

算騎施堅昆治比庭都護府

河西節度

隔

吐蕃突厥治涼州

朔方節度捍禦突厥治

靈

州河東節度與朔方倚角禦突厥治太原

府

范陽節度臨奚契丹治幽州平盧節

度

鎮撫室韋靺鞨治營州隴右節度備禦吐

蕃

治鄆州劍南節度西抗吐蕃南撫蠻獠

治

益州嶺南五府經畧綏靜夷獠治廣州

突厥 阿史那氏古匈奴北部 隋末始畢克汗最

強高祖與連和定楊可汗

與劉武周宋金剛屢寇河東秦王擊殺之

頡利可汗士馬雄盛有憑陵中國之意太宗禽之

以置州縣

冠汾陰賂之許以和親

復入冠秦王責之受盟而

劉黑闥復誘

去

復入冠至便橋太宗自出禦之請盟而退

卒遣李靖禽之俘告太廟國亡

以頡利所統為

六州突利所統為四州左置定襄右置雲中二都

督府統之時降者十餘萬咸請內充豫閑處而

空漠北溫彥博請置河南如武帝留五原塞為扞

蔽魏徵言是養虎遺患不如遣還河北帝主彥博

議突利嘗自結於太宗入廟拜右衛將軍思

摩亦頡利族及諸部納款思摩獨留被禽帝以為

忠而立之願吠守北門居三年不得

車鼻可汗

自立

突厥部人頡利既敗畏薛延陀不敢自立

薛延陀立遂強高宗初禽之于突厥盡為

封疆臣唐書謂三十年無戎馬警

未幾單于都

高宗時骨咄祿招散亡據黑沙城以叛

寇并州薛仁貴

免胄示之引去又寇

蔚州武后時寇朔州

默啜立益強

骨咄祿弟武后又寇涼州降

從其請以六州突厥數千帳并穀種雜絲數萬與之由是益強據地萬里有兵四十萬諸夷皆附

有輕中國心屢入寇張仁愿築三受降城于河北自是不敢度山牧畋元宗初遣其子同我

圍北庭都護郭虔瓘斬之毗伽可汗盡有默啜擊牧曳固侍勝為其所斬

之衆掠涼州敗河西節度由是大振盡有默啜之衆求和元宗東封張說徵其大臣從

封不肯與吐蕃入寇上骨咄葉護立遂衰

聽其互市戎馬為下所殺提毗伽子自立諸部又攻殺之自此互相爭奪遂衰回紇攻殺其白眉可汗獻之元宗而北逐晏然

突厥始國於後魏至是遂滅後或朝貢皆舊部
九姓其地盡入回紇始其族分國於西者曰西突

厥

西突厥 與突厥分有烏孫故地 曷薩那

朝隋被留

國

人立射匱浸盛

與突厥亢

統葉護繼之遂霸西域

射匱

弟督諸國賦貢入朝廷用封倫說許婚

賀魯

高宗時入寇薛定方禽之獻俘昭陵

阿史那都支

與吐蕃連和侵安西高宗遣使行儉禽之自是遂衰

武后時

別部烏質勒方強解瑟羅畏之 率其部人內遷

長安死 未幾突騎施又起自相殘滅元宗時突

厥亡

烏質勒突騎施皆西突厥別部

吐蕃 西羌屬在吐谷渾西南未嘗通中國唐初浸

強

王族皆曰論官族皆曰尚君曰普贊

棄宗弄讚入貢求婚

太宗未許

帥甘萬寇松州求婚侯君集敗之復求婚許之

論欽陵秉政國益強

欽陵與弟贊婆悉多于勃論皆有才畧三弟將兵于外鄰國畏之陷西域十八州高宗以薛仁貴

討之敗績李敬討之亦敗普贊死欲圖之裴行儉諫欽陵為政不可時吐蕃之境東接松涼南

至天竺西陷龜茲北抵突厥方萬餘里諸胡之盛莫比數入寇妻師德破之河源八戰八克

武后遣韋待價擊之大敗唐休璟破取其四鎮
置安西都護于龜茲遣使求四鎮十姓地郭元振

之答論欽陵見忌自殺之遂不振罷殺之故自殺

贊婆及欽陵子以所統士千帳來降唐休璟又大破之于洪源道遣使求和諸部皆叛

棄隸踏贊立又數敗立方七歲元宗初入寇薛訥大敗之武街又入寇王

君奚敗之青悔雨信安王禕拔其石堡城拓地千餘里更命朔方節度為振武軍數敗懼入貢

求詩書趙惠琮矯詔襲之朝貢復絕以四十萬入寇復舉國守據石堡城每麥熟來獲王

忠嗣敗之哥舒德宗時婆悉立復常為邊患賴

晟屢敗之平涼劫盟涇隴邠之民回紇南詔幾盡歲歲入寇賴韋皋屢破之

背之始弱

初常挾雲南入寇雲南歸唐吐蕃始弱然亦無歲不入寇回紇南詔皆為中

國擊敗其師

憲宗時亦

常入寇

穆宗時入寇求盟

文宗時達磨普贊淫

虐國益衰

武宗時論恐熱強

攻尚婢婢寇河東宣宗時掠河

西

懿宗時拓拔懷光斬論恐熱傳首京師吐蕃

自是衰絕

初太宗平薛仁果得隴虜李軌得涼破吐谷渾

高昌開回鎮玄宗收黃河磧石宛秀等軍中國

無警幾四十年乾元後隴右劔南西山三州七

關軍鎮監牧三百所皆失之憲宗思復河湟未暇宣宗復之後為回鶻所并

吐谷渾

高祖使擊涼李軌

太宗時

冠關州李靖司破之請

頌愿遣子入侍畏吐蕃高祖為徙之靈州故地皆入吐蕃

回鶻

本回紇德宗時改

其先匈奴

突厥亡惟回紇為彊

并薛延陀有其地獻款太宗

請吏置燕然都護府統之六都督七

州皆屬

高宗時犯邊

薛仁貴敗之天山契苾何力為鉄勒道安撫九姓遂定

天寶間裴羅立攻殺突厥盡得突厥地祿山反

徵其兵入援

葛勒可汗與子儀會討祿山遂掠東都至代宗初始歸國

入

寇長安代宗幸陝

又與吐蕃懷恩大入皆子儀擊走之自是歲擾邊

德

宗初入貢求和親

乞改號回鶻唐擊吐蕃許之

為

穆宗時求

婚許之

請以兵佐裴度伐幽鎮議者憊艾不聽

武宗時諸部皆逆款

為黠戛所破求內附田牟欲乘此擊之德裕不可未幾入寇詔詣道禦之劉沔大破之奪公主歸

宣宗時入貢

薛延陀先與薛種雜居復滅延陀部有之故名

夷男求婚於太宗

元齡勸許之乘太宗東封攻突厥思摩李世勣破之絕其婚

子拔灼立回紇諸部據其地

李勣滅其國回紇鉄勒諸部請吏為

州縣

沙陀

西突厥別部沙陀處月之別種姓朱邪

沙陀其大

碩名

睿宗時入貢

後吐蕃疑其貳于回鶻欲遷之可汗朱邪軌宜復歸唐

懿宗時朱邪赤心助平龐勛 僖宗時李克用收

復京師

北狄

契丹

大賀氏

本東部落居鮮卑山至元魏立今號太

宗時內屬

置松漢都護府

武后時叛

孫萬榮據營州叛陷冀州狄仁傑禦

之 貢後李楷固卒
平之 遂附突厥

玄宗初方強屢敗中國之

師 薛訥討之敗 郭英傑討之敗死 張守
珪斬其王屈烈 安祿山討之又大敗 自

至德後藩鎮擅地亦鮮入寇 懿宗時安巴堅有

其國大賀氏遂亡

渤海 本靺鞨附高麗 武后時仲象者度遼自固

詔封震
國公

睿宗拜渤海郡王子武藝斥大土宇欽

茂徙上京寶應初詔以渤海為國

有五京十五府
六十二州距京

師八千里朝
貢史無傳焉

東夷高麗

本扶餘別種

居平壤城有鴨綠水

高祖受其稱臣

溫彦

博以其本箕子國魏晉時故封國勸受其稱臣

太宗時蓋蘇文殺其王

建武而立藏自為莫支離帝嗣拜藏為遼東郡王

蓋蘇文伐新羅帝親征之

拔蓋年城為蓋州遼東城為遼州於是

高麗北部高延壽及靺鞨十五萬來援帝合圍之延壽舉衆降固號所幸山為駐蹕山勒石紀功

高宗初蘇定方大破

泉男建自為莫支離而

討其先男生

男生告急李勣討降之禽其王高

臧

凡五百一十六城六十九萬戶為九都督四十二州置安東都護于平壤以統之

新羅 居漢樂浪地 王真平遣使入朝高祖拜新

羅王 太宗却其女樂

真平無子女善德嗣善德死妹真嗣

高宗

時納高麗叛衆據百濟地劉仁軌大破之 武后

賜吉凶禮興光襲立子弟入太學 元宗使邢璣

弟承慶 文宗時張保皋使鄭年平其國之亂

會昌後朝貢不至

百濟高麗之南 高祖時數朝貢封王

時高麗數侵新羅高宗

遣蘇定方禽其王平其國得三十七郡二百城七十六戶以劉仁願守百濟城其王之從子圓仁

顧劉仁軌大擊降之武后時其地
為新羅靺鞨勃海所分百濟遂絕

高昌 麴氏

漢車師前王廷也貞觀初其王文泰來

朝久之與西突厥通壅掠西域之朝貢詔侯君集

滅之為西昌州

麴氏傳國九世百三十四年而亡

龜茲 一曰丘茲

距京師七千里

姓白氏

貞觀初獻馬後

臣西突厥乃以阿史那社尒討之

以四海寧一為其樂使許敬宗

誤西域圖志

武氏即其地為都護府

都護以政稱者曰田揚名郭元振張

孝嵩杜暹云

疏勒 姓裴氏 正觀九年獻馬又四年獻方物開

元中冊為疏勒王

罽賓 居葱嶺南

距京師萬二千里

正觀中獻馬天寶初

冊其子襲王

南蠻

南詔

謂詔為王

本烏蠻別種

高宗時遣使至開元冊為

雲南王 楊國忠以鮮于仲通鎮嶺南閣羅鳳遂

反大破中國之師 德宗時異牟尋上表請棄吐

蕃歸唐

擊破吐蕃來獻捷貞元中冊為南詔王

文宗時杜元穎鎮西

川寇成都

入具郭

自此常為南方患宣宗以高駢為

安南都護平之

未幾中國貪刻又叛

懿宗時僭號僖宗時

求和款附

驃古 朱波也 德宗朝遣使詣韋臯獻樂於是臯

作南詔奉聖樂

西原蠻 有黃氏 穆宗長慶初嚴公素請討之韓

僉諫 太和中董昌為經畧夷其種

古今紀要卷十五

欽定四庫全書

古今紀要卷十六

宋 黃震 撰

五代

梁 稱帝凡十七年

朱溫從黃巢為賊 王重榮破之同州以華州降
賜名全忠拜汴州宣武軍節度救趙犇敗巢軍
秦宗權使張晁攻汴甚急朱瑾朱宣救之晁敗

去 忌瑾宣即誣而攻之 克用復京師邀至汴

置酒而攻之

自此爭河朔諸州相攻迭有勝負惟三興師向淮南皆敗績

時

溥鎮徐州攻取之

以龐師古守

執朱宣取鄆州

以朱友裕

守

襲朱瑾取兗州

以葛從周守

說韓建降華州

殺魏博牙軍取魏博

攻趙匡凝取襄陽

楊師厚

攻趙匡時取江陵

楊師厚

圍鳳翔劫帝遷洛 李

茂貞王建李繼徽興師討之

王師範亦結淮南

合平廬兵討之

遂弑帝絕人望而篡之是號太

祖

太祖

更名晃

以敬翔為崇政院使

改唐樞密為之

軍民一以委

之與晉戰屢敗鬱鬱多躁子友珪弑之

元年圍晉潞州築夾塞守

之大敗

四年襲鎮州晉救之敗于栢郡

乾元初

楊師厚屯邢州趙晉伐幽州太祖自將救之又大敗

病歸

末帝

疎忌宗室

專任趙巖張漢鼎漢傑依勢擅權

敬翔李振雖執政而不用其言

欲以段凝代王

彥章招討將士憤怒晉兵入自殺

敬翔

作牋刺語俚俗故全忠喜之答春秋戰爭兵

法不可用於今

益喜

與蔡戰

謀居多故動靜

輒以問之

纂弑之請翔為多

用兵三十年細

大必關惟馬上得休息

全忠剛暴惟翔能承其

意妻劉氏有寵于全忠權勢侔于翔

友珪弑逆

奪其崇政院使鬱鬱不得志

梁亡李振歸唐翔

死

朱珍

少與龐師古從全忠為盜善治軍得降兵

皆以屬之

選將五十人皆可用敗黃巢破

宗權并兗郛皆勇出諸將

威振河朔魏博殺樂

彦貞與李唐賓威名畧等

攻掠四方常與俱而

唐賓驍勇過之

與唐賓

交惡殺唐賓

全忠殺之

龐師古

將騎兵攻孫儒于揚州不克取時溥

走朱宣

攻揚州營清口不敢違全忠命不

肯就高為棚水
至不能戰見殺

葛從周

巢敗始降梁全忠攻蔡陸馬賴其扶得脫
晉攻張全義敗之潞河與丁會取魏宿

州鑿閭門敗晉兵晉兵復勝而失其子落落
擒朱宣走朱瑾與師古各道攻揚州大敗

五日下洛邢磁三州救魏出兵閉門復戰大破
燕兵攻滄州不用監軍言大敗燕兵于老鵝堤

又還敗晉兵于青山從攻鎮州王鎔乞監
劉鄩兗州招降之全忠即位以疾致仕

張存敬

同敗晉兵悅河與從周敗燕兵老鵝堤
同攻王鎔入鎮州取馬十萬攻幽州取羸

莫邢果攻定州敗王
處直攻王珂下晉絳

寇彥卿

為羅紹威畫計殺牙軍動作皆如全忠旨
全忠嘗謂敬翔劉捍彥卿皆為我主賜愛

馬一丈鳥 圓鳳翔全忠稱神
將逼昭宗遷洛駐徙長安居人

劉捍

改鎮州王鎔求和攻定州王處直降皆以一騎
入城諭意圍鳳翔亦入城見茂貞計事攻淮

南為浮橋全忠攻壽州回亦為
浮橋劉知俊執送茂貞斬之

康懷英

乘朱瑾出以兗州降 取趙州匡凝鄧州
攻鳳翔為先鋒 楊行密攻宿州擊走之

丁會以潞州降晉懷英築夾城圍之亡大將
三百劉知俊降岐朱友恭降晉討之皆大敗

劉鄩

力屈不降曰吾主降即以城還 師範降遂素
事王師範有機畧 奪葛從周兗州苦守之

服歸梁為元從都押衙居諸將上居之自如
劉知俊以長安降岐討而鎮之 魏降晉莊宗入

魏鄩乘虛襲太原不克乃爭魏精粟末帝道與晉
戰大敗河朔皆入晉 復兗州殺張方進討朱

友謙尹皓陵凝譖酖之
帝宮故二子遂凝遂雍皆被恩寵

牛存節

木強忠謹破張晔救張全義攻魏攻鄆皆有功守宿州料淮南必攻徐兵先朱瑾至

夾城之敗急救澤州守同州茂貞
朱友謙東西圍之禱而鑿井水皆甘

張歸霸

巢敗降拔箭反射擊賊張晔伏兵擊張
蔡州急擊蕭顯全忠將拔營去攻兗

鄆

弟歸厚晉人攻魏擒克用子落落內黃破劉仁恭
敗張晔赤崗射時溥將陳瑤攻

鄆體被十箭
梁亡家皆族

王師重

善運槩自秦宗權歸蒙氈沃入水冒
大率兵入濮州青州威惠劉捍構殺之

楊師厚

李罕之選入獻晉自晉奔梁攻王師範
永棣州攻襄陽走趙匡凝進攻荆南走匡

明 劉知俊陷長安奇兵入其西門克之 從全忠擊趙攻燕皆敗 留屯魏州悉領梁之勁兵

全忠死逐節度復牙軍銀鎗號稍難制 末帝召謀友珪事無巨細皆諮心益忌畏之 其死也末

帝受賀 自是欲分魏相為二 而魏博降晉梁自此失河北

王景仁

初名茂章 行密驍將 救王師範殺朱友寧全忠自將二十萬攻之亦敗 戰酣召諸

將飲酒全忠望之璞息 繼楊渥守宣州渥攻之奔錢鏐 全忠召之歸梁 攻趙晉人大敗之柘

鄉 攻廬 壽亦敗

賀環

朱宣使救兖州全忠疾馳禽之侍賓館吏招朱瑾不下全忠盡殺同降者獨不殺環 感全忠

誓以身報末帝時河北皆入于晉使與謝彥章屯行臺與彥章有隙殺之軍敗還卒

馬嗣勲

攻鳳翔時說降韓建練輿載兵入魏為羅紹威殺牙軍八千人

謝彥章

葛從周養為子以錢置盤中教陣法時賀環善用步卒而彥章善將騎兵多而益辦

好禮儒士在軍中亦儒服臨敵御衆肅然有將帥威左右馳驟疾若風雨晉人望行陣齊整

知彥章在此賀環忌而殺之

唐

稱帝凡十四年

初朱耶赤心討龐勛賜姓名李國昌遂據雲中與

子克用殺監軍擊寧武岢嵐李琢討之敗走韃靼

巢賊亂以韃靼諸部赴難復長安功第一追

巢賊于汴朱全忠襲之 克用請討全忠不許

軍皆

黑衣賊憚之號鷄軍

全忠乞討克用宰相張濬以自任濬

敗走 王行瑜率三鎮兵犯闕殺宰相克用討誅

行瑜欲并討二鎮不許 常與全忠相圖 全忠

篡位而克用卒 長子存勗十一從攻戰 克用

之終也賜之三矢曰梁吾之仇燕王吾所立契丹

與吾約為兄弟而背吾歸梁此三者吾遺恨存勗

凡用兵則告廟取矢盛以錦囊負而前驅繫燕父

子

劉仁恭
劉守光

函梁君臣之首還矢先王而告成功遂

代梁有天下是為莊宗

莊宗

以周德威為平章境內大治連年出征政事一

委張承業餉饋不乏郭崇韜決策滅梁平蜀然

內畏劉皇后外惑宦官伶人克敵後志意驕滿沈湎
聲色明宗兵至為伶人郭從謙流矢所中殂鷹坊
人善友歛樂器覆屍焚之

明宗

本夷狄無姓氏為
克用養子名嗣源

莊宗使討魏州趙在禮至鄴

軍變返洛即位 斬租庸使孔謙罷其苛法罷監軍

相任圜朝綱粗立 置端明學士馮道趙鳳為之

明宗不通大字使重誨
讀章疏亦不通故置

慮囚 均稅 刊九經

自即位每夕焚香祝天願早生聖人為生民主 內

無聲色外無遊畋不任宦官廢內藏庫賞廉治貪年

穀屢登甲兵罕用于五代為小康使輔相得人當尤

有足稱

愍帝

明宗第五子

潞王從珂廢弑之而自立 石敬瑭舉兵

從珂自殺號廢帝

郭崇韜

孟知祥薦代中門使其職參管機要決策

德勝圍楊劉決策敗之既失德勝梁兵日至唐

欲棄鄆畫河自守獨決策襲汴八日滅梁未嘗

居戰陣徒以謀議居佐命第一功天下為已

任遇事無回為宦官馬紹宏所怨乃請立劉

后言天下利害非事五而求出鎮莊宗不許仍為

樞密使莊宗欲起樓避暑乞當如河上則慎暑

坐變清涼宦官因問之宦官伶人譖河南令羅貫

崇韜力爭益不合思立大功自安乃求征蜀

監軍李從襲誣有異志宦官馬彥珪矯詔殺之

以唐威德諷諭南詔語蠻獻所藏助南郊而破

蜀以所獲少被讒哭汾

陽墓獨不拜僧惠誠

安重誨

明敏謹恪為明宗中門使決大計明宗立功佐命功處機密事無大小皆參決勢傾

天下盡惠勞心時有輔益而恃功矜寵無賢人君子之助卒至臣主俱傷斬殿直馬延矯詔殺宰相任園右作威福處却河南嘉禾却夏州白鷹却宿州白兔諫以馬瘠斃殺田令方諫以不給侯三馬殺醴泉令右盡忠處信韓玫而絕錢鏐徒陷楊彥溫于死而不能去潞王以李嚴監軍知祥叛以李仁矩鎮閬董璋叛遣石敬瑭討董昌重誨自督糧運蜀人恐動朱弘昭又表其怨望召還致仕宦者翟光業極殺之

周德威

望塵知敵數周楊五之勇聞天下梁築夾城圍潞德威盡總重兵在外莊宗疑召之

即還遂從莊宗大破梁師梁王景仁擊趙至栢鄉德威退屯鄆誘之大敗之擊劉守光破幽州

與梁劉鄩爭臨清積粟據鉤道莊宗銳於見敵德威老將相務持重莊宗迫之戰父子皆死

於胡柳陂禽梁將陳野又禽守光驍將軍廷珪

符存審

犯法臨刑主將愛歌召使歌得不死從李罕之歸晉為將有機畧與周德威齊名小

大百餘戰未嘗敗破居庸關擊王行瑜破龍泉寨攻汾州執李塘攻潞州降丁會攻夾城皆有功

契丹圍幽州獨決計擊走之從戰胡柳陂復取德勝築河南北兩城名夾寨劉鄩攻同州大

敗之破趙張文禮扶病往禦契丹幽州假不得與威梁病篤彥卿

史進塘

從破黃巢同被圍于梁驛梁人常戒避史先鋒栢鄉之勝周德威擊左進塘擊右

梁主自將擊趙而晉方攻燕進塘捕梁芻牧者縱之使言晉軍至而夜擊梁兵敗之全忠病遂劇而

晉得專力收燕時符存審同厄梁兵匡翰沈毅有為先鋒討張文禮中流矢卒子匡翰謀接下

以禮與部曲語未嘗不名好讀書尤喜春秋開澈醉罵慰勉之

王建及

先登陷陣柘鄉之戰奪守河橋胡柳陂之戰奪梁土山遂大敗之焚賀環攻德勝

夾寨戰艦監軍韋令圖言其不可典兵快快卒

元行欽

為留守先攻其父囚之又為害其兄弟與明宗八戰八克明宗七中之行欽以中明宗

股敗降明宗養為子莊宗賜姓名李紹榮馳救莊宗于潘張數寵絕諸將討魏州趙在禮

無功明宗軍變行欽以反聞而殺其子從環明宗罵我兒何負爾行欽曰先帝何負爾遂死

安金全

驍果工騎射能擒生踏伏病居大原力疾破梁王檀然莊宗不以為能不錄其功

西方鄴

明宗自魏反兵汴州孔循北門迎明宗西門迎莊宗鄴責其負國又欲殺石敬瑭以堅

人心

明宗遇弒鄴請死明宗馬前明年討高季興獨

有功取

三州

烏震

與符習為趙王鎔報仇張文禮文禮執其母妻招之不顧文禮乃斷其手鼻不誅而縱之震

為一慟而率晉軍攻破鎮州以功拜刺史歐陽公謂大不孝

符習

本王鎔軍校乞歸討文禮報冤不勝還求一鎮自攻取亦無效又乞討趙在禮遇明宗

兵變歸

明宗

孔謙

勤敏傾巧少為吏知聚斂事晉梁相距河上十餘年調發供饋未嘗缺成晉之業與為多

然民亦不勝苦屢求租庸使郭崇韜抑不與
伶官景進為求得之違詔督天下已除賦塞山

谷徑路禁止行人以征筭天下怨苦明
宗斬之罷使分鹽鉄度支戸部為二

張延朗

孔謙既誅乞三司置使就使為之明宗常
召食曰三司專任無暇知石敬瑭有異志

財貨在太原者悉調取
之敬瑭入京師殺之

李嚴

使蜀陳唐功德之盛辭旨清亮蜀人疎動與
宋光嗣應對蜀益奇之還言蜀可取狀莊

宗怒市蜀物少大怒伐蜀蜀王衍願嚴來即降
嚴馳入見衍即日蜀降後孟知祥在蜀僭彊嚴

求為西川兵馬都監其母曰今行以
死報蜀矣至蜀知祥斬之而叛

李仁矩

明宗南郊使趣東川助禮錢驕恣不赴董
璋酒而與娼妓自飲璋牽出將斬之拜伏乃

免還言其必反安重誨使鎮閬州以制之至蜀日伺其動靜以聞璋攻之敗死

朱弘昭

與安重誨有隙故常使于外副董璋東川不自安求歸鎮鳳翔重誨督軍過鳳翔表

其怨望及其回閉門拒之延光等知禍將興辭去而弘昭馮贇代

馮贇

明宗病與漢孟瓊王叔妃弘昭四人掌機務及立愍帝益自以為功以潞王從珂代敬瑭

從珂反愍帝召弘昭計事弘昭投井死安從進亦殺贇

劉廷朗

從珂之起鳳翔與共事者韓昭胤廷朗等五人愍帝迫從珂代敬瑭昭胤等勸從珂

反而張濛又以太白山神語贊之廷朗調城中民財助軍敬瑭來乾延朗等請留之不從罷

敬瑭總管延朗言不可不從敬瑭反延朗勸親征敬瑭入京師見殺與房勗掌機密而專任事

納賂多者得善
州積錢三十萬

康義誠

事莊宗從討趙在禮勸明宗即位密結
秦王從榮而入白明宗言其反從榮敗閱

其家貲請將禁兵討從珂
至則降之從珂夷其族

豆盧革

相莊宗雖名族而無學問薦韋說為相
以佐已而說亦無學術默默無所為唯諾

崇韜而已崇韜號盡忠亦無學術大水民殍死
帝責之不能對各以其子為拾遺人議其父子
同省又各以為學士為山陵
使復入朝安重誨詒之遂貶

任圜

明敏善談辨人愛其容止聞議論益悚動
勸李嗣昭堅守潞城為嗣昭辨讒嗣昭討

張文禮戰歿代將諭城中早降後留守鎮州有
惠愛郭崇韜鎮成德與相善托以鎮州事多為

張彭所賣遂有隙 崇韜忌之伐蜀辟與俱 崇韜死代將 自蜀歸相選才俊抑僥倖公私給足 天下便之 豆盧革韋說罷議相安重誨薦用崔 協園力爭罵協没字碑始與重誨交惡 爭事上 前厲聲色上不悅 不與重誨歌妓益 相惡 退居磁重誨誣其反殺之

趙鳳

髡為僧以避為兵 好直言 性剛強 極言 劉皇后拜全義為父不為草牋 諫藉没張全

義養子貲 安重誨不知書始置端明殿學士于 上左右以鳳與馮道為之 善任園圉之死獨號

哭責重誨 諫召用相士周玄豹 明宗堅欲幸 鄴獨手疏責安重誨而罷幸 斧碎佛牙 遷彥

溫誣重誨反鳳啟明宗族彥溫 重誨得罪莫敢 言獨數言其盡忠遂以朋黨出 為節鎮祿分將

校宿客 初于嶠亦許直敢言與鳳俱在翰林鳳 既貴嶠常訾詆之鳳以告明宗而流之天下寃之

李襲吉

博學多知為書諭梁辭甚辨麗全忠歎使
吾得之傳虎以翼敬翔答之書辭不工書

多傳于世恬淡大辭自娛昭宗未卒
其後制冊皆盧汝弼為之大辭不及

張憲

沈靜寡欲有大辭精吏事諫以即位壇
為鞠場莊宗怒毀壇以細鎧與明宗伐契丹

又怒上庫簿有錢三萬又怒崇韜薦其可相
伶人宦官幽之太原趙在禮善待其家而招之

斬其使明宗入洛不肯拘存霸以待變不肯
奉表勸進歐公以出奔且殺不列死節傳

蕭希甫

機辯矯激不樂為巡官棄母妻于梁變姓
名走鎮州又不樂王鎔亡為僧莊宗求

隱逸士率紹宏薦之答內宴儀樞密使不可坐
宦官切齒盧豆盧革等希意排斥之梁滅後宣慰

青齊人譏以老母終堂生妻去室為匭函使乞惟
自即位以後明宗欲用為諫議豆盧革韋說沮

之希安重誨旨誣貶革說
罵宰相見兩省官不起貶死

劉贊

就學時父衣以青布衫食以蔬
守官以法權豪不可干以私

力學舉進士
秦王從榮驕

橫官屬皆浮薄諛諂贊獨率以正
道秦王敗馮道為力爭得免死

晉

稱帝凡
十二年

石敬瑭出西夷明宗妻以女鎮太原廢帝徙敬瑭
天平不受命求援契丹契丹耶律德光立為晉皇
帝以之南下敬瑭割幽薊等十六州與契丹是
為晉高祖

高祖父事契丹 吐谷渾來奔契丹遣使讓帝憂悒病

殂然能用桑維翰中國稍安又能樂聞其言懲法外

稅民廢樞密院委宰相分判

出帝立景延廣用事告即位于契丹稱孫不稱臣又激

契丹使者謂要戰則來契丹入寇帝自將擊敗之徂

勝驕侈契丹耶律德光大入執帝以歸

桑維翰

身短而長常自奇七尺身不如一尺面以姓桑喪同音不得舉進士或勸他求仕慨然

著日出扶桑賦又鑄鐵硯卒舉進士與劉知遠贊敬塘舉兵親往說耶律德光入援滅唐興晉

維翰之力 諫絕契丹 出帝用景延廣絕契丹

陰使人說帝出延廣而已為樞密 事無巨細

一任之數月之間百廢浸理 復置端明學士悉

用親舊 遺賂巨萬 李彥韜馮王讒之出尹京

兆 契丹兵至嘆晉始于維翰敗于延廣 帝遣

張彥澤以兵入府維翰安坐不動厲聲語之彥澤

股栗不敢再往乃以帝命召

下獄縊之而給契丹以自縊

景延廣

父教以射不入鐵不如不發 教出帝不稱
臣契丹 謂契丹使喬瑩有橫磨大劍十萬

口要戰則來契丹益怒 帝置酒其第互相賜子
極侈而是歲餓死者十數萬 契丹兵至猶恃功

恣橫 兵入京師先馳騎取延廣鎖
之數十罪付壽使執 自扼吭死

吳玠

契丹入援時守雲州契丹圍之七月不下 出
帝絕契丹牙將邵珂召契丹入攻貝州晉人使

蠻守之珂開引契

丹入蠻投并死

漢

稱帝凡
四年

劉知遠其先沙陀人與石敬瑭俱事唐明宗後與
桑維翰贊敬瑭有天下及契丹虜出帝歸王峻言
契丹必不能有中國乃自即帝位未幾契丹果遁
以李從益知南朝事知遠殺之而改國號漢是為
高祖

高祖初在河東富強冠諸鎮坐視契丹之滅晉安行入

洛而有之大抵多史弘肇之力 張璉助杜重威反

許以不死及降殺之而以重威為太尉中書令

隱帝驕縱狎愛後贊郭允明等 郭威平三叛鎮

河東李守

真永興趙思綰
鳳翔王景崇

不敢專賞請賜在朝宰相以下 帝

自即位楊邠擅機政郭威主征伐史弘肇典宿衛王
章掌財賦國以粗立 李業鼎文進等殺邠章弘肇
反謀殺郭威國遂亡

蘇逢吉

精神爽秀
進之貪詐

獨得入侍
無行

納文等簿中伺色
知遠生日使理獄祈福

無曲直盡殺之報曰獄靜矣朝廷大事皆出之而無學故漢尤無法度不施德政民莫稱焉與蘇禹珪同被倚信逢吉尤納貨市權使李求吉償玉帶錢奪李崧田宅誣而族之詔捕盜并鄰保皆族母死不喪妻死使百官州鎮輸練絹為喪服使酒辱郭威欲罷威又與史弘肇相惡繳李業殺弘肇

郭威兵至自殺

史弘肇

走及奔馬初為禁兵為將嚴毅寡言所至秋毫無犯與楊邠蘇逢吉同受顧命

慘酷關西用兵民相驚者無大小皆殺之太白晝見仰觀者即腰斬謂安朝廷定禍亂直須長搶大劒毛錐子安足用王章言無毛錐子軍賦何從集不喜賓客隱帝與李業等嬉遊無度太后親族請托皆裁抑之使自民抵罪者但以三報示之即腰斬故人子求軍職輒斬之欲歐

韋達吉李業郭允明用事
以弘肇威權震上殺之

楊邠

本魏州掌籍吏故不喜文士
體謂國家帑廩實甲兵完而已
禮樂文物皆虛

罷為相行事旬日人情不擾而止
謂陛下但禁聲有臣在帝所欲為皆抑不從
與弘肇王章

同日見殺儉靜得賂以獻于
帝晚節稍通賓客課吏寫史傳

王章

知遠使掌三司關西用兵供饋未嘗乏絕然
剝下民甚苦之民租一石舊以二升為雀鼠

耗章增二斗名省耗緡錢出入舊以八十為陌
章減出者三錢訴田者必括其隱田謂丈士

一把筭子不知顛倒何益于國
擡估官俸犯鹽礬酒麪者皆死

劉銖

慘酷知遠以勇斷類已特信之鎮平盧隨
年杖合歡杖增民賦畝出此錢為公用隱

帝患其剛暴召之喜李業能殺弘肇等謂君可謂儻儼兒郭威兵至盡殺威等家屬威殺

鉢而赦

其家

李業

知遠后弟隱帝時以母舅用事无顧憚時灾怪百出帝方與業等廋語相誚放紙鳶宮中

楊邠弘肇皆以為不可故怨之而偕殺邠等又遣詔殺郭威威反兵至取內庫金寶懷之而奔為人

所殺

聶文進

本軍卒善書算見親信居中用事謀殺楊邠等作詔書制置中外點閱兵籍指麾殺

戮何害周兵逼城謂臣在此百郭威飲酒歌呼明旦同日見殺

周

稱帝凡八年

郭威為漢樞密以一頭子易置節度

白大珂代王守恩西京

及平三鎮請徧賞將相藩鎮以結人心以樞密使
鎮鄴帝信李業遣使誅之威召魏仁溥謀倒用留
守印矯誅將校激怒士心 討契丹至澶州衆擁
之還兵滅漢是為太祖

太祖用李穀為相王峻謀軍旅李質守法度 罷貢獻
禁越訴 除牛租 誅臧吏 臨終命王溥相
漢高祖弟劉崇稱帝江東號北漢

世宗

郭榮 本姓柴幼從姑養高祖家因以為子

在位僅五年而外事征伐

內修法度

誅樊何以肅軍政

簡士卒以汰羸老

南平江淮西克秦鳳北開關塞

廢佛寺

三千三百三十

六而造僧帳

毀佛像而鑄貨泉

均田租

定刑

統

考雅樂

設科目

神武雄畧虛心聽政應機

決策出人意表攻城對敵矢石落其左右畧不動容

閒暇則召儒者讀前史商確大義雖用法太嚴素有

才幹聲名者無所聞有尋亦悔之真一代英主也

恭帝幼嗣位我太祖北征衆軍推戴帝遂禪位天下為

宋

王朴

知漢必亂去楊邠東歸後從周世宗于澶州獻平邊策觀失之由知平之策輕兵克吳

得吳則桂廣可臣岷可召吳蜀平則幽可望風而至惟并必死之寇稔之後可以平邊時惟陶

穀竇儀楊昭儉言與朴合世宗見其議論偉然益奇之與計天下事無不合征進守東京再

征淮留守京師明敏多材智陰陽律厯亦莫不通為欽天厯正雅樂至本朝用之剛果而得

君凡所為無敢難者而亦莫能加留守時廣城治道壯偉宏闊我宋亦多仆之才我宋削平諸國

先後皆如其言視汴口欲作斗門疾作而仆年五十四

鄭仁誨

唐將陳紹光醉拔劍欲殺之仁誨植立不動還鄉事母以孝聞與周太祖同在劉知

遠帳下太祖每事質問仁誨所對不阿益奇之

太祖討河中李守貞機畫多所參決其卒世宗親

臨之徵時常為太祖謀畫及居大位無所聞而

太祖世宗皆親重之謙德好禮不自矜伐為士

大夫
所稱

扈載

為大以辭多自喜運源賦歷代碧鮮賦竹世宗錄觀之拜翰林已病不能謝未幾卒初王

朴薦之李穀穀不用曰命薄恐不能勝時人主

禮重丈士載與張昭寬儼陶穀徐合符等俱被進

用穀文劣而無行特能進訣取合載雖

不及昭儼之議論粲然而不為穀之訣

死節

王彥章

事梁 驍勇 王鐵鎗 梁晉爭天下為勅敵 晉人得其妻口厚待而招之斬其使以

自絕 末帝信讒不時 敵果破夾寨之南城 憤梁日帝用之約三日 晉取鄆州事急欲用激

削嫉趙巖等所為巖等匿其捷書劾之 莊宗攻兗州末帝以新募五百騎與之兵少戰中都被禽

莊宗欲全之曰臣受梁恩非死不能報 豈有朝事梁而暮事晉遂見殺

裴約

事晉李嗣昭守澤州 嗣昭盾子繼韜以澤路叛歸梁 約召州人泣曰即君背違君親吾死

于此不能歸梁與州人拒守城破殺

劉仁贍

事南唐李景 驍勇 守袁黃所至稱治周世宗伐淮鎮壽州 世宗攻之百端不下

請出戰不得憤惋成疾 景既割地奉表獨堅守不下 其子謀出行斬之于是士卒皆感泣死守

垂死不知人副使始以城降是日卒世宗名壽州為忠正軍

死事

十五人內馬彥超附朱守殷傳朱令詢李遇張彥卿鄭昭業見本紀歐公取王清彥超

張德源

從李罕之叛晉降梁為劉鄩守具州備魏晉已盡有河北山東數十州獨具州堅守

踰年不下城中食盡殺之以降晉人盡殺降者

夏魯奇

自梁奔晉莊宗為劉鄩所圍魯奇力戰決圍拔莊宗戰中都擒王彥章鎮河陽有

惠愛徙宣武遮留不得行父老詣京乞留董璋反攻遂州拒守食盡無救自刎

姚洪

初從董璋後事晉戍閬州璋反招之投璋書厠中被執罵曰老賊為李七郎奴掃馬糞得

一鬻殘炙感恩不已今天子用爾為節度何苦反耶璋封其肉食之至死大罵

王思同

劉仁恭甥 奔晉 善騎射好為詩 禮士 未嘗有戰功 守秦五年 畫山川陳利害

明宗始知其才 從珂之反 遣伶奴通意 執以獻 之京師 被執曰 非不知從之而得生 恐終死不能

見先帝 于地下

張敬達

以騎射事莊宗 明宗疑敬達 使敬達代鎮 太原 敬達遂反 敬達攻太原 契丹圍之 救

兵不進 力窮 楊光遠逼之 降曰 諸公何不 殺我而降 光遠斬之 契丹哀其忠 葬之

翟進宗

張方迪守晉 登州進宗守晉 淄州楊 光遠反 脅取二州 惟進宗不屈 見殺

沈斌

為石晉守祁州 契丹過祁 趙延壽招之 斌登城罵其父子 陷 腥羶城 陷自盡

王清

事石晉 戰陽城 先杜重威 奪中渡橋 開路 重威有二志 同行 宋彥鈞亦退 獨力戰死

史彥超

事周 周圍漢太原契丹救之彥超勇憤俱發左右馳擊解而復合者數四歿于陣

孫晟

好學尤長于詩 為道士居廬山繪賈島事之道士以為妖逐之 儒服謁唐莊宗安重誨惡

之書像購之 奔吳相李昇父子二十餘年富驕肉臺盤 世宗攻淮急使晟奉表稱臣割地

世宗厚待之間江南事終于不對 臨刑神色怡然正衣冠南望拜乃就刑

一行傳

處山林二人

鄭遨

唐昭宗時欲隱妻不從棄妻子入少室山為道士 欲求松脂徙華山 與李道殷羅隱交號

三道士 唐晉召皆不起賜

號逍遙先生 詩章為人貴重

張薦明

邀同時少儒學為道士唐高祖召講道德經因鼓聲論守一

去就不違義一人

石昂

家書數千四方士多從學問不求仕符習召為臨淄令楊彥朗諱石贊者改為右昂責彥

朗奈何以私害公解官歸父不喜佛桓前誦尚

書云所欲聞石晉高祖求孝悌之士上其義行

召為宗正丞諫

出帝不從稱疾歸

以忠獲罪至死不言一人

程福贊

晉出帝親禦契丹軍士縱火欲亂福贊救火被傷恐動搖人聽因匿不言李殷誣與亂通

殺之終不自辨

孝弟一人

李自倫

六世同居 石晉敕所居飛
鳧鄉為孝義鄉旌表門閭

唐六臣

歐公曰朱全忠以客將張廷範為太常卿裴樞
不可是歲彗星出柳絮殺樞等白馬驛以應之

不附梁者皆死朝廷一空明年張文蔚等奉冊寶于
全忠使樞等不死雖未必能存唐亦必不亡唐而獨
存唐之亡也賢人君子既與之共盡其餘
在者皆庸懦不肖之徒耳作唐大臣傳

張文蔚

文行知名 制詔守大體 柳絮殺樞等力
解朝士多賴以全 為梁冊禮使遂相之

梁初制度皆所
裁定居家亦孝弟

楊涉

祖收 唐名家世守禮法 拜相與家人對泣
曰吾不能脫此網羅 為梁傳國寶使遂相之

子凝式有文辭善筆札歷
事五代常以心疾致仕

張策

年十三知黃初元年二月鼎銘之妄好浮屠
為僧巢賊至返初服奉父母避亂克用攻

行瑜與婢與母歸全忠薦于
朝為梁傳寶副使遂相之

趙光逢

文行知名方直溫潤稱玉界尺以世亂
棄官杜門善柳欒復仕為梁押金寶使

遂相之
又相末帝

薛貽矩

為韓全誨作畫像贊全忠薦之朝哀帝
遣勞軍稱臣拜舞還趣帝遜位為梁押

金寶使
遂相之

蘇循

諛巧無恥全忠敗于行密倡議歸受禪為
梁冊禮副使自以附會當首見用敬翔惡其

無行勒歸田里從朱友謙降晉拜州廨
廳事謂之拜殿入見舞蹈呼萬歲稱臣

義兒

后唐以養兒成功亡亦由之
可紀者九人其一為明宗

李嗣昭

本姓韓膽勇過人太祖戒其飲終身不
飲以謹厚常從用兵河中敗王珙又敗

梁救兵取澤州奪潞州戰功最多攻鎮
州張大禮中流矢卒子繼韜降梁莊宗斬之

嗣本

姓張從破行瑜攻羅弘信破潞州夾
城擊劉鄩下洛磁蔚州與契丹戰沒嗣

恩

姓

存信

姓

存孝

既取潞州被譖附
梁晉擊而車裂之

存進

姓孫從破巢賊戰柘鄉
繼嗣昭攻張文禮戰沒

存璋

與張承業受顧
命立莊宗法

繩軍士境內肅清夾
城柘鄉魏博之戰皆從

存賢

姓王善角觚援
朱友謙于河中食

少或謂河中人欲殺子歸梁答
曰死吾志也復何恨卒敗梁兵

伶官

莊宗好俳優知音能度曲自為王至天子常與倡優雜

戲

為劉叟賣藥以誑劉后

周匝

胡柳之戰失之滅梁復得使其陳俊為景州內園栽接使儲德源為憲州刺史

史崇韜諫不聽

敬新磨

擒諫獵縣令批李天下頗殺敬新磨則同無光尤善俳而無它過

景進

史彥瓊

郭從謙

三人敗政亂國之最進參決國政乞採美女殺

皇弟存義誣友謙并其將皆族之彥瓊致趙在禮翔從謙優名門高拜崇韜為叔父為存義養子流涕稱二人冤莊宗稱其為黨而戲之遂激怒軍士因明宗兵至作亂

宦官

張承業

唐昭宗時監太原軍崔胤誅宦官時克用

梁戰河上十餘年軍國皆委之積財治兵課農以成莊宗之業莊宗將即位勸為天下除大惡然後求唐後立之不聽仰天大哭肩輿歸太原不食卒

張居翰

唐昭宗時監范陽軍誅宦官時劉仁恭匿從克用攻梁傲州莊宗滅梁而驕宦

官用事崇韜專政默默苟免密改誅蜀王衍詔一行為一家免死千餘人朱全忠之誅宦官在

外者多為諸鎮所匿時方鎮悉以宦官給事吳越尤多至莊宗訪唐時宦官尚得數百人遂復用事有馬紹宏者尤見信用誣殺大臣黷貨專賦莊宗疑明宗有異志使伺之反以告明宗故明宗之二心紹宏實啟之崇韜之死宦者為之故明宗入洛無西顧之憂明宗盡誅宦官流血盈庭而孟漢瓊依王淑妃用事白秦王反西迎廢帝

雜傳

王鎔

已見唐昭宗藩鎮類
攻戰任宦者求長生

初和于梁後附晉從
張大禮滅其族

羅紹威

已見唐昭宗藩鎮類
牙軍遂衰子周翰嗣

楊師厚逐之
引朱全忠盡誅

王處直

父宗富擬王侯宗之子處存鎮定州感激
流涕入關討巢賊收城擊賊克用第一勤王

倡義處存第一既死亂軍推處直梁圓之絕晉
事梁梁攻王鎰復絕梁事晉晉與梁戰河上
十餘年未嘗不從養妖人李應之所獲小兒劉雲
郎為子而更其名為都莊宗討張文禮處直以
鎮亡則定不獨存招契丹爭國入寇以牽晉兵
都囚處直盡殺王氏莊宗使都襲鎮以繼岌取
其女明宗惡之都反招
契丹為援兵敗自焚死

劉守光

父仁恭能穴地攻城為幽州軍校奔晉晉
王取幽州表為節度盧龍晉求兵攻羅弘

信守光執使者以叛大敗晉王兵使子守文取
滄景德州邀鎮橫海兩鎮共號三十萬擊魏屠
吳梁遣兵敗之自是連歲為梁所敗復附于晉
驕侈子守光以罪被逐自稱節度囚仁恭守
文誘契丹入攻之又擒而囚之遂驕大庸愚而
慘刻梁晉柘鄉之戰欲合鎮定兵襲晉諷諸

鎮尊已以梁晉不尊我為帝械之自稱大燕皇帝明年晉周德威會鎮定兵禽其父子刺仁恭心血祭先王而斬之

李茂貞

鎮鳳翔三稱兵犯關唐昭宗封岐王韓全誨劫昭宗依之全忠圍而奪之唐亡而茂

貞亦困全忠篡位諸鎮皆稱帝獨茂貞不能止稱岐王寬仁愛物民頗安之莊宗入洛始遣子

入朝稱臣子從儼繼鎮有田千頃竹千畝懼侵民利未嘗省理鳳翔人愛之見唐昭宗

韓建

唐僖宗以為華州刺史盡除昭宗諸王及殿後軍謀廢立降全忠從攻鳳翔從遷昭宗歸

洛昭宗宴全忠躍足使出相全忠出鎮許州亂軍誅之

溫韜

鎮義勝發唐諸陵昭陵獨固乾陵風雨不可發賂唐劉后莊宗厚待之明宗誅之

盧光稠

與譚全播為盜全播讓光稠為師而取虔韶州攻王潮取潮州劉岩攻虔州全播大

敗之而推功諸將光稠病予之符印不受光稠死軍屢亂稱疾杜門州人強起之治虔七年

有善政吳楊隆演并之

雷滿

武陵人自置士團軍諸蠻從之推為帥高駢召隸麾下據朗州上下江陵攻劫州縣

襲成汭荆南焚掠之

鍾傳

據洪州

趙匡凝

據荆襄並詳見唐末

朱宣

鄆州

朱瑾

兗州後奔淮南為吳除
徐溫而死詳見唐昭宗

王師範

唐青州節度欲為唐誅朱
全忠不克詳見唐昭宗

李罕之

據河陽歸梁後歸晉據潞
州以歸梁詳見唐昭宗

孟方立

為唐昭義節度五州皆
為晉所并詳見唐僖宗

王珂

李克用表襲重榮鎮河中梁圍之晉援絕
求援李茂貞不報出降全忠殺之瓚仕梁

無功

末帝使尹京

莊宗兵至開門迎降

趙犇

守陳拒黃巢陰結全忠弟昶襲昶卒珣
襲全忠使珣鎮同州歸陳卒陳人為之罷市

犇次

子巖

趙宕

為梁末帝租庸使與張漢傑等居中用事中外切齒啓末帝召楊師厚討友珪師厚據魏州

復置牙軍帝患之又啟分相魏為兩鎮牙兵亂降于晉梁由是盡失河北劉鄩方戰澶魏間勸

末帝郊天晉兵入汴啟末帝勿下樓末帝卒死樓上宕善溫韜走依之韜斬之又善段凝

請族其家

馮行襲

據金川輸貢後附朱全忠詳見唐僖宗

氏叔琮

從全忠攻戰爭絳州時大敗晉兵于蒲縣晉不敢追為全忠弒昭宗

關寶

朱瑾敗降全忠魏博降晉寶亦降胡柳之戰莊宗欲退寶決戰敗梁

康延孝

末帝使與段凝軍河上棄梁歸晉獻取梁策後如其言自鄆取汴先鋒降蜀窮追王衍

以待繼岌 怒董璋功劣而見親禮又見崇
韜死積疑遂叛 繼岌孟知祥夾攻禽殺之

張全義

與李罕之同事諸葛爽 據洛陽 襲罕之
河陽以歸梁 勸耕息民梁興賴之 梁亡

事晉諫遣明宗討趙在
禮憂卒詳見唐昭宗

朱友謙

為盜 事王珙於陝州 與李璠殺珙而又
殺璠 全忠養為子鎮河中 開

附晉宦官伶人求賂不得因其
子令同從討蜀誣與崇韜反族之

索象先

在梁無戰功為末帝誅友珪 鎮宋州十餘
年誅歛厚積 梁亡以其資賂唐將相伶官

宦人劉后內外翕然稱之故
莊宗改宣武為歸德以寵之

段凝

全忠使守懷饋食甚豐大悅 監兵河上李振
請罷之 王彥章破德勝南城趙岩等畱之歸

功于凝遂代彥章盡總精兵故莊宗至汴而汴無以戰降唐賂劉后甚見親愛明宗誅之

周知裕幽州亂歸梁白晉降梁者悉隸之河上相拒十餘年催堅陷陣為最草安州不近

惡病之俗

陸思鐸

鏤姓名箭警中莊宗鞍陳州有善政死令葬之

趙在禮

魏自劉守光奔晉從莊宗至貝州軍反攻取莊宗使明宗討之明宗軍與在禮合反

兵南向所惡鎮郟店羅列債貲巨萬宋人尤苦之謂眼中拔釘後再至斂拔釘錢

霍彥威

少仕梁鎮郟寧觀明宗以兵南向與安重誨勸進捕段凝溫韜欲報仇其客

有淳于晏故彥威得少過失

房知溫

明宗自魏反兵首馳赴之魏軍驕知溫誅之于盧臺戍凡九指揮三千餘家皆誅之漳

水州將吏得其餘賫者皆為富家

王晏球

梁亡降晉定州王都反招契丹禿餒惕隱皆大敗之中國威振契丹由晏球始

李彥威

全忠養為子名朱友恭奔他鎮使與叔琮弑帝而殺之以自解

李振

抱真孫宦官謀廢昭宗勸全忠仗義立功說王師範歸梁每至朝廷必有貶降號鵠象

馬驛之誅殺勸投濁流代敬翔崇政院使梁

誅滅伏

裴迪

全忠用兵四方留汴謂兵賦後全忠以兵事自處而貨財獄訟一任之王師範謀襲汴迪

密探虛實使朱友寧巡
郾充故師範事不得成

孔循

流落汴州 預弒昭宗謀 又弒何后殺柳璨
等 莊宗使守汴 明宗自魏反兵北門迎明

宗西門迎 莊宗曰先生老入之 族犯麴者明
宗弛禁 紿安重誨不可妻皇子而自求之

孫德昭

父惟最 率義兵攻巢賊于咸陽 朱玫亂長
安 惟最亦率兵擊之 京師民賴保全 昭宗

被幽與孫承誨董從實應募斬劉季述以
功號三使相 昭宗幸鳳翔獨歸全忠

王敬堯

善用鎗重三十斤 守潁州 秦宗權獨不能
下 全忠攻淮南饋兵甚厚 龐師古攻吳

敗歸燎薪
作粥舖之

劉知俊

背時溥降全忠
丹廷廊坊四州

不俟命擊邠州楊崇本取
見全忠無罪殺王重師叛

歸李茂貞為茂貞攻靈武敗梁康懷英兵攻興元取鳳翔茂貞奪其兵奔王建反攻茂貞取秦鳳

階成王建
忌而殺之

丁會

善挽歌李罕之召晉兵圍河陽會大敗之與葛從周敗羅弘信于內黃取時溥宿州敗朱

瑾于金鄉罕之以潞降梁會因取澤州畏全忠雄衛稱疾累年全忠弒逆與三軍縞素發哀

遂降
于晉

賀德倫

梁末帝因楊師厚死分魏博貝為天雄軍以德倫鎮張彥知朝廷忌軍府強盛而設法殘

破之遂作亂迫德倫降晉莊宗入魏斬
德倫麾下多奔張承業懼為變斬之

安重霸

從諂棄蜀勸宦者王承休鎮秦州魏王代蜀紹王承休出師奪其鎮以降

王建立

明宗自魏反兵建立殺當山軍及其守兵以全明宗家屬

子守思

為漢西京守貪鄙郭威怒其肩輿出迎以頭子命白文珂代之隱帝慰之曰陛下睡

覺矣

郭延魯

父饒驍勇事晉守沁九年有惠政延魯善鞭遷復州不敢忘先君之志益以廉平自勵

功

縱復滿攀號時武夫為刺史者皆恃下為害獨延魯父子以善政著聞

華溫琪

從黃巢敗投河自經皆不死後為梁唐節鎮為梁守棣移州避河患

長從簡

世屠宰剛暴捕食小兒遣卒夜殺富人取玉

帶

張筠

世以貴為商 昔時溥以宿州降梁 從唐伐蜀 筠弟錢守京兆 明宗兵反 魏而繼岌平蜀

歸錢拒之 繼岌自殺 筠掠康懷英家 貨掘唐故宮得金玉 奪溫韜發陵物 錢取繼岌行橐 取蜀王

衍蜀中珍寶 筠好施而錢貪鄙 錢死筠盡有其貨 聲色自娛者十餘年 人謂地仙

李周

救盧嶽嶽勸事晉 梁攻楊劉急莊 宗謂周為我守何憂 四鎮多善政

劉處讓

字德謙 為張萬進截耳軍門求晉救 招降范延光 樞密使梁易宦者以文臣莊宗

易武臣 石晉用桑維翰等處讓不平 奪為之處讓死遂廢其職而以印付中書

張希崇

陷契丹奔明宗 鎮靈武勸耕足食回鶻入貢 石晉復使鎮之月掩畢口星知死

相里金

率諸州皆武人多以部曲主場務私其利 金獨禁部曲不與事 首應從珂之檄

張廷蘊

劉皇后從莊宗在魏縱下不法廷蘊斬之與明宗討潞州元行欽廷蘊先一日登城破

之
所識僅數字而平生重文士破
鄆得趙鳳薦之
歷七州家無餘資

皇甫遇

石晉時契丹助青州楊光遠反遇擊敗之契丹使趙延壽圍鎮州杜重威不出戰遇等

戰退之
重威奉表降契丹逼使書名以降契丹使引兵先入京師遂絕吭而死
歐公謂敬翔
佐梁篡唐遇不能攘臂殺重威
雖死不足貴故不得列于死事

盧文進

自幽降晉
莊宗以屬其弟存矩殺存矩奔契丹教以中國織絰工作契丹由此益強以

掠為唐患十餘年
歸唐而敬瑭父事契丹奔南唐謹晦迹禮接文士惟談臺閣故事

楊思權

佐秦王將策鎮河東啟其逆謀討潞王從珂于鳳翔首擁軍降故諸鎮兵皆潰

王弘贄

潞王反愍帝奔遇敬塘謀之弘贄殺帝從兵弘贄奉帝州廨奉從珂命酖之

劉審交

石晉合三司為一而審交為使益租民賴不擾以河北耕器為範教陳州

汝州有能名其死州人聚哭乞留葬使得歲時祠祭

王周

歷四鎮有善政定州橋壞覆民租車為償粟而治橋杜重威降契丹家人逼之亦降

高行周

父思繼兄弟以武勇雄北邊克用欲取幽州先招思繼而後敢討克用以劉仁恭為

憂恐思繼為燕後患殺之行周為明宗乘雨襲鄆州不肯拒敬塘從入京師

安叔千

歷四鎮貌堂堂而不識字號沒字碑契丹勞之曰是安沒字否當予兩一喫飯處

翟光鄴

周祖使守永興將死戒無久留以煩軍府州人乞留葬沈嘿多謀事繼母孝不營

財產假官舍以居蕭然僅蔽風雨粗衣糲食
處之泰如聚書為樂臨政務寬靜體息

馮暉

靈武自明宗後歲費六千萬轉輸供給民至流
亡暉鎮之屯田省運部族懷惠管內大給招其

豪拓拔彥超居城中晉忌而徙之靈武
亂復鎮之殺彥超凡十餘年恩信大著

皇甫暉

為魏卒戍堯橋關劫趙在禮作亂焚貝州
以入魏終唐世守陳州奔江南畜兵

唐景思

史弘肇喜告許景思奴告之景思請索家
有錢十千為受外賂有甲一屬為私留兵

王進

走及馬奔符彥超招之麾下敬塘鎮河中
使往返京師止五六日徒以善走秉旄節

常思

無戰功以幸會敬塘秉麾節而周太
祖少孤又嘗依之故富貴終其身

王峻

以善歌遇史弘肇使人殺峻及郭威遂舉兵
犯京相周兼修國史以兗州慕容彥超將

反諫親征劉是恃佐命功不遜
峻求職堅起
彥超遂求諸州保薦太祖大駭
之益加優容
積不能忍殺之

劉詞

日事楊師厚勇得知名房州為政才苛服
按甲枕戈而卧曰以此取富貴豈可忘之

王環

為孟昶鎮鳳州世宗下秦成皆降獨
鳳堅守不降既禽拜驍衛以勸事君者

朱守殷

莊宗廝養以言人陰私結知守德勝為王
彥章所破與伶人景進表裏驕恣誣殺朱

友謙使伺明宗動靜因啟明宗以逆召救郭從
謙亂不動莊宗既死掠宮中嬪御寶貨鎮汴

州聞明宗至遂疑而
反范延光討之自殺

董璋

本富人家僮郭崇韜善之與伐蜀蜀平使
與孟知祥分鎮東西川安重誨薦以制知祥

故益橫 不貢助郊物欲殺李仁矩 重誨遣仁矩等分鎮之遂與知祥反 璋家見族疑知祥賣

已攻之大敗走死

范延光

楊劉為梁所獲被囚掠終不言晉事 勸明宗速攻朱守殷平汴 與趙延壽並樞密使

言國馬三萬五千一馬之費可養五卒 明宗病人情洵洵或請以嚴制曰制動當以靜 知潞王之變先辭去職 因術士贊其蛇入腹之夢遂反于鄴既而即降 初秘瓊殺董溫琪取其資延壽殺瓊而取之而終以資為楊光遠所殺光遠亦不免

安重榮

以箭卜叛歸敬塘鎮成德 謂天子寧有種兵強馬壯者為之 僨敬塘與契丹為父子

數請敬塘大吐渾叛契丹重榮納之 討契丹為名遂反 射播竿龍口以下有天下 杜重威禽

之漆首
送契丹

安從進

率百官迎從珂徙鎮山南襄州與重榮表裏反兵敗自焚敬塘自媿取天下不順姑

息藩鎮故在位七年反者六起從進最後反

楊光遠

與契丹戰折臂長吏事厯四州以治稱諫唐以箭刺還契丹鎮中山敗降契丹契

丹勉之事敬塘鎮汴敬塘親信之後益驕橫召契丹入寇以叛兵敗猶言當作天子以災豈

有禿瘡天子跛足皇后其子囚之以降漢劉知遠為立碑雷擊之召夷狄為中國禍三十年

杜重威

妻敬塘妹破范延光破安重榮鎮鎮州聚斂契丹殺掠閉門不出留守鄴降

契丹軍士解甲大哭與契丹入汴市人詬罵降漢使鎮歸德不受命反而復降被誅

李守貞

破楊光遠所詔契丹驕貪所至草木皆盡請與杜重威北應趙延壽之歸而同降契

丹

漢興降漢

僧總倫謂有非常相又射中畫

虎遂

與鳳翔王景崇京兆趙思綰反郭威討之自

焚死

二

鎮亦繼平

張彥澤

目黃夜有光如猛獸暴虐殺張式王周奏其不法二十六條及誣人殘蔽狀逆

風敗契丹陽城與重威降契丹為先鋒入汴驅帝出開封府以俟契丹恃功酣飲殺掠契丹怒

剖其心以祭死者市人爭鬻之

王景崇

監石晉左藏庫劉知遠起太原取庫金迎之自詣鄴獻攻鄴之策始奇其才使圖鳳

翔李益不忍殺益逃歸諧之景崇以鳳翔反趙暉討敗之明年火起自焚

趙思綰

王景崇與之西擊蜀齊藏珍勸殺之景崇不聽從李益至永興劫城以叛食盡以人

為食每宴犒殺人數百郭威禽之臨刑謂釘礫之醜壯夫所恥

慕容彥超

漢祖同產弟副高行周討杜重威而凌行周獨欲速攻重威大敗周兵至謂

當陽吏歸營又謂隱帝明日出觀臣戰大敗既臣周又謀反大括民財殺崔周度嘗諫勿反鎮星犯角亢塑像禳之被圍欲以鐵胎銀犒軍周祖親征投井死

馮道

字可道由張承業事莊宗刻苦儉約居喪退耕相明宗言患生所忽誦聶夷中田家

詩又言聖人大寶曰位明宗不能曉相十餘年潞王反出迎相之石晉滅唐又相之愍三公契丹滅晉責事晉無狀自稱無才無德癡頑老子又為契丹太傅周滅晉又事之事四姓十君

以舊德自處當世亦仰為元老喜為稱譽對契丹佛出敕不得喪君亡國未嘗屑意自號長

樂老著書陳四姓契丹所得官爵為榮自謂忠孝事九君未嘗諫獨諫世宗伐劉旻而世宗卒敗

旻歐公論其無恥因叙疑妻李氏貞潔晦翁真稱鄉原

李琪與兄珙俱以大章顯為梁征伐書詔下筆輒得全忠意為相結趙岩等自助大水應詔

類千言謾然無足取莊宗獨重之請明宗無改唐國號明宗羣臣五日一入琪謂非唐故事

乞復朔望入閣而不能明入閣正衙之禮安重誨殺其臺門殿直不敢言誤以定州為真定罰

俸文章自負以牙板刻前鄉貢進士梁救杜洪勸成納堅壁不出少持重不知進退琪從而

敗曹州素劇十餘刺史皆坐事至琪獨以治聞遣代許州馮行襲行襲感泣解印曹州禽賊

荅內黃外黃
雍丘下黃陳留

鄭珏

纂諸孫莊宗兵入汴欲以傳國
璽與之以緩兵又曰但恐不易了

李愚

相不拜梁衡王友諒從伐蜀請崇韜急擊為
相不治宅第借延賓館以居敗氈弊席蕭然四

壁與馮道迎從珂復相時方多事欲依古制
理請頒唐六典使百司各舉其職州縣貢士作鄉

飲禮從珂目
之為粥飯僧

盧導

馮道李愚迎從珂使草勸進牋終于不
肯李愚曰吾輩罪人盧舍人言是也

司空題

張彥欲草奏詆梁君臣判官王言不能
下筆題至揮筆成文言甚鄙淺遂見用

劉昫

代王玖判三司盡除民間積欠吏沮怨而民
歡然與馮道親家李愚惡道為人詬罷之

盧丈紀

為中丞受臺吏拜上不納鄴忿死

從以于鄴與其父同名參

有人望從珂書姓名納琉璃瓶中挾而相之天

下多事從珂責之請廢五日起居復開延英從

珂被虜謂曰與議謂卿相可致太平今使吾至此

馮肩孫

不通世務學韓愈為文相廢帝口印門三

初效昌黎闢佛既為石晉所罷反學佛撰法喜

集佛國記行時謂佞清秦不徹乃求佞佛死

姚顗

少憊惟司空圖奇之妻以女仁恕而不知錢

馮道合三銓為一顗丈紀復分之增損舊格選人不便往往喧訴

劉岳

政魯八代孫好學敏文辭請明宗百官皆賜告身笑馮道遺下兔園冊道本田家狀兒

質野明宗以鄭餘慶書儀有起復之制非所以厚風俗詔岳刪定而鄙俚轉失其本後益訛謬

馬縞

謂明宗立魏廟劉岳增損書儀皆取決言嫂叔無服太宗時小功今給假九月非是劉

昫等請喪服皆依開元禮始具五服附于令盧文紀以其迂鄙自待即遷祭酒

崔居儉

自後魏為甲族子孫專以門望自高為世所嫉拙于為生居顯官衣乏死無以葬

崔枕

好學不遊里巷居滑十餘年人罕識面專于大學不能蒞事桑維翰使知貢舉果不能舉職

取孔英晉高祖使與竇貞固呂奇張允復文武二舞及朝會禮樂其聲悲離聞者悲憤明年高

祖崩枕亦卒陶穀奏廢二舞契丹入晉以太常樂迎之聞者流涕

李憐

張文寶以覆試多黜請下學士院作詩賦格憐笑謂余登科偶然爾安能為准格

和凝

胡柳之戰獨從賀環而救之環知其必貴因妻之知舉放榜撒棘開門士皆肅然唐亡相

晉從進之反幸鄴請為宣敕十餘授鄭王留京備安飾車服文章以多為留白板行于

世范質為第五人及第為相及知遠選

馮玉

姊為晉出帝后不知書而知制語為相權賄契丹兵盡掠其貨猶獻奉國璽契丹求恩

盧質

議為唐哀帝立廟號明宗亦知不可從珂入立欠犒軍錢與王玫配率民財召怨

呂琦

料敬塘必引契丹為患建議和親廢帝不從

河澤

好學善詩洛陽令伏草問諫莊宗獵數上書明宗言事伏閣諫幸鄴然外直而內實

奸邪時多以割段避賦役因奏罷蠲紙課州縣
出紙馮割股蠲賦役符號蠲紙干趙鳳求給諫

鳳授以他職未拜命先書新街投
軌請立秦王以希進遂成秦王之禍

史圭為縣有善政人立碑安重誨不知書倚
備顧問令升殿侍立直學士升殿始此

龍敏由馮道事張承業事祖父孝敬塘結契丹
以叛敏請送東丹王入西樓則契丹且有內顧

憂東丹王本德光長子以不得立奔唐得封西
樓在契丹上京又請千馬破殺趙鈞使吳越

不拜

李松魏王繼岌既殺崇韜松請急作黃紇詔書以定
人心契丹入寫門松薦敬塘鎮太原敬塘謝

之曰為浮屠者必合其失為相信趙延壽之歸
又信用杜重威晉遂以亡與契丹俱北漢以

其宅賜蘇逢吉

後歸逢吉誣殺之

李鱗

自稱掌書記謁王處直不過易綠袍為
緋謁李弘規不學無知常求為相

買緯

長史學唐自武宗後史職廢無實錄緯采傳
聞為唐年補錄六十五卷雖天下多故事多缺

誤而喪亂之際事迹僅存亦有補于史氏次石
晉及漢祖實錄惡桑維翰謂有銀八千錠徐合符
非之曰歷多言大臣
過失王峻怒之遂貶死

段希堯

沂州軍擁敬塘請斬為首者敬塘反又
謂不可使吳越遇風濤曰吾平生不欺

張允

駭赦論謂有罪見舍則無罪者銜冤此致災之
道小人見天災則喜是教人為惡首高祖大喜

王松

相石晉劉知遠入洛使百官受偽命
者焚之松自誚為二十四考中書令

裴皞

自晉魏為名族
瑞秀剛直
在後唐陳闕失
斥權臣
石晉相之告老
馬胤孫引門生見

之喜曰門生門下見門生
桑公見我于私第門生也
維翰過之不送迎曰
二人皆皞禮部所取

王仁裕

蜀平歸唐從珂檄詔皆其所為
石晉定樂
大宴聞奏黃鍾知有爭者兩軍校鬪夢以西

江水滌腸胃大益進
詩萬餘首號西江集
二
十五始就學與和凝皆以文章名
知貢舉得王
溥與凝得
范質同

王延

崔協子頎舉進士盧文紀恨協言之延曰趙人
善涸生子而浮之水上可乎延卒擢頎甲科人

稱其公友愛五
代之際稱其家法

馬重績

明太一五紀等術
莊宗征伐占必中
敬
塘起兵廢帝使卜過同人卦
以宣明之

氣朔崇玄之五星為石晉作調元歷然
不數歲即差依古晝夜百刻為刻漏

趙延義

父溫珪等術數事蜀不中輒被詰責死成子
孫幼以佗道仕進而延義亦以此仕蜀答周

太祖漢祚短促白漢法深酷刑罰枉濫
此所以亡周祖因赦蘇逢吉劉錡二族

十國世家

吳楊行密

據廬州又據宣州 斬孫 渥 為宣州觀察
儒據揚州詳見唐末 子 行密病徐溫

召之入立 王茂章代守宣殺之 取岳州 執
鍾匡時 惡徐溫與牙兵召腹心陳璠入衛溫殺

之 渥由是失政 憤未能發溫又 隆演 徐溫專
殺渥 溫之客嚴可求立行密次子 政 危

全諷攻洪州嚴可求以周本禽之 溫領昇州
留子知訓秉政而遙制之 朱瑾殺知訓而知誥

秉政以隆演為吳王而溫大丞溥行審第四

相都督隆演不得意卒溫立溥子溫迫之僭號溫知誥專政襲鎮金陵封齊王溥遜位與之有淮南二十八州治

廣陵傳五十年

徐溫

販鹽為盜行密所與起事劉威陶雅之徒號三十六英雄獨溫無戰功用嚴可求謀

赦行密殺朱延壽始得預謀議行密病舊將皆在外守戰故得立渥而竊其權與張顥弑渥而殺顥殺宣州李通渥之心腹在金陵遙制大政軍旅問嚴可求國用問賂知祥以知詐得吳人心

南唐李昇

行密攻濠州得之奇其狀貌養為子而諸子不容養于徐溫為徐知誥溫厚有謀

好學禮儒勤儉寬仁聞朱瑾殺知訓自潤州入
東政引宋齊丘駱知祥王令謀為客吳人皆
歸心徐溫死襲鎮金陵遂受吳禪復姓李自謂
憲宗五世孫立唐宗廟旌表孝弟陳氏七百日
同居通好吳景破妖賊張遇賢乘閩建亂遣
越申綢其火災景查大徽攻之乘勝取建汀泉漳
置劍州而陳覺擅發兵攻李仁達于福州故契丹
陷中原而景疲兵東南不暇顧楚亂來附取其
潭州分置筠州與契丹聘問又援李守貞故周
師征之景用鐘謨策表盡獻江北齊丘陳覺沮
之世宗親征復請獻江北去帝號煜景死煜立
奉正朔留子煜于金陵而遷都洪州煜建隆二年
年太祖召之不至開寶八年
王師禽之封違命侯

據州三十五治金陵傳

二十九年

宋齊丘

為昇謀篡最有力事成隱入九華山屢招乃出陳覺魏岑等邪佞用事人謂五鬼

皆齊丘所引用罷相不得意歸九華山封九華先生青陽公坐陳覺黨賜死

韓熙載

煜以盡忠能直言欲相之而妓妾私進賓客熙載斥妓煜欲用而妓復歸

前蜀王建

號賊王八為卒迎僖宗為田令孜養子韋昭度代陳敬瑄鎮西川而不入留符

節予之遂取成都殺敬瑄并東川殺顏彥暉降黔南攻興元李繼業并山南得道攻荆南

取夔施忠方又取歸州遂并三峽唐封蜀王唐亡因龜龍麟鳳之瑞乃僭號多詐智善待士故

所用皆名臣世族而人士亦多依以避亂晚年內寵宦官與政子元膺殺建嬖臣唐襲而建死

衍最幼以母寵得立能為浮艷之辭母徐氏以教令賣官衍荒淫委政宦官宋光嗣起

上清宮塑王子晉尊為聖祖至道玉宸皇帝莊
宗使李嚴聘之見其人物富盛而行驕恣遂歸獻
策伐蜀而郭據州
崇韜聘之

治成都傳三十五年

後蜀孟知祥

叔父遷據荆洛磁降梁知祥為晉王
中門使舉郭崇韜自代崇韜平蜀以

知祥鎮西川明宗立始陰有王蜀志安重誨
疑之使李嚴監其軍知祥斬嚴重誨以分其管內

州除守將以備之遂與董璋同叛攻殺璋并東
川明宗聞心懷之終不服明宗崩知祥僭號

子昶好走馬方術將相大臣驕蹇貪橫殺之殆
盡何建以秦成階降盡得王衍地銳意

關中援趙思綰世宗伐之昶聘南唐東漢以張
形勢周既取淮南高保融招昶同歸不從君

臣奢侈至為七寶溺羗 我宋下荆南昶懼欲約
東漢撓中國 太祖詔王全武取之而先為昶治
第京師以待 王昭 有州
遠兵敗李昊草表降

凡四十一年

南漢劉隱

代父謙守封州 遭世多故父子數有功

多獲禮用唐末惟南海最 稱帝 禮用趙光胤
後亂 梁封南平王 弟 龔 嗜殺 為玉堂珠

殿 遣蘇章破楚兵 夏州交州 玢 不能任事 晟
叛 龔音儼義取飛龍在天 子 玢 荒淫

殺兄自立恐眾不服峻刑威眾 盡殺諸弟及大
臣 攻下楚連宜等六州志益滿 宦者林延

遇宮人盧瓊仙內 鉞 委政宦者龔澄樞陳延壽
外專恣殺戮 子 淫戲不省事 奉女巫樊胡

子于宮中 邵廷珩言真主已出不為備則通好
銀膏然 太祖詔李煜諭之稱臣怒囚使者 太

祖遣潘 美降之 盡有嶺表治廣州凡六十七年

楚馬殷

本孫儒將 繼劉建鋒據潭州群見唐末梁
封楚王 呂師周自吳逃之使攻嶺南取昭

賀等州諸蠻未附 初與行密成汭劉襲為敵國
高郁勸以內奉朝廷外誇鄰國退修兵農故梁亡
又事唐惟謹貢茶因獲茶利 又教鑄鐵錢令民
造茶而地大力完 荆南高季昌患高郁強楚反

間之 殷子希聲殺 希聲居喪不哭慕朱全 希範
郁殷大哭明年薨 忠食雖日烹五十

好學善詩 因溪州彭士然叛遂南通桂林象郡
西接牂牁希範立銅柱為表西南諸夷皆附 作

九龍殿 殷時廖光圖等十八學士獨 希廣 希萼
拓祐常沈厚長者每切諫不從扼喉殞 希廣自武

陵奔喪希廣以兵止之希
萼怒送欵李景攻殺希廣
希萼 **希崇** 希萼當中原大亂臣

於李景 希崇囚之衡山 景使邊錫盡遷馬氏
於金陵而封希萼楚王居洪州希崇鎮舒而居揚
州 宋興景崇率兄弟 **據潭州有州二十三凡五**
十七人歸朝皆為美官

十七年

劉言

王進達

進達為希萼先鋒陷長沙已而逃
歸武陵迎言為師 既而不相下

襲言殺之 世宗征淮使進達攻鄂過
岳州罵潘叔嗣叔嗣襲武陵殺進達

周行逢

為進達當策殺劉言 進達據武陵而行
逢據潭州 叔嗣殺進達迎行逢入武陵

而行逢召殺叔嗣 儉約 繩下以法一境畏服
民過無大小皆死 妻嚴氏諫不從去歸田野曰

禍起易逃
使子保權歸朝廷

將死

保權

張文表叛遂
舉族歸朝

遂

吳越錢鏐

豫章術者見錢塘氣斗牛求而相之
與勁卒二十人殺黃巢先鋒急引兵過

破董昌圍杭州諸縣兵為八都以為都指揮使
斬劉漢宏乃奏以昌鎮越而已守杭取蘇常

董昌反攻執之兼鎮兩浙
吳王徐綰反閉城拒鏐而召因顧兵顧全武巫

請元璩質于行密以援顧兵顧亦取鏐錢百萬而
質元璩梁又加以淮南節度好玉帶名馬朱

全忠謂真英雄所居鄉為衣錦鄉舊營為衣錦
軍幼所藏大木曰衣錦將軍以鎮海等節度與

元璩而自為吳越國王更所居名宮殿府曰朝官
屬稱臣封拜海中新羅渤海等諸國卒年八

十元璩

遣將攻建州王廷政大敗善撫將士好
儒喜詩置擇能院選文士錄用之奢

僭好治宮室 大火燒 佐 立年十三諸將少之初
其宮室因疾狂卒 子 優容後諸將稍有法黜

大將章德安等國中畏恐 使張筠救李仁達遣
將誓軍號令齊肅大敗李景兵取福州而還 年

二十卒 弟琮 倣 州會周師 自唐宋貢朝廷皆
立胡進思殺之 倣 州會周師 自唐宋貢朝廷皆

泛海入至周平淮始由陸 太平三年詔據州十
來朝舉族歸京師 歐公譏其歛民太重

三治杭州傳八十四年

閩王審知 與兄潮取泉福建而繼之為福建觀察 延
治福州有善政封閩王註見唐昭宗

翰 審知子 妻妬而多納妾其妻一 鏐 即延鈞
歲殺八十四人 弟廷鈞弑之 求尚書令

不獲絕唐朝真 信左道用道士陳守元說立寶
皇宮居之即皇帝位 地狹不足為國薛文傑藉

富人以佐用文傑殺吳英軍士怒傑
膺食又更檻車制立十年子繼鵬弒之繼鵬

作道士譚紫簫止一先生陳守元天師事皆資實
皇語而後行起三清臺日焚諸香數斤日夜作

樂臺下以求大還丹又以神言殺
審知諸子審知少子延羲殺之延羲改名曠

英有罪獻錢千萬怒無皇后土貢復獻千萬
女答朝士之不賀陳匡範增筭商法稱人中寶

相攻連重遇弒之延政封富沙王以建州建
淫虐與弟延政國王氏子孫在福州者

連重遇皆殺之而推朱大進亂稍定延政以子
繼昌守福州李仁達殺繼昌送款李景景破

建州遷其族金陵據閩嶺州五治福州傳六十
仁達以福州降吳越

一年

南平高季興

即高季昌 汴人富家童 全忠攻岐 款還決策遣馬景誘岐兵出大破之

鎮荆南撫綏流亡梁衰為自固計 朝莊宗于洛 崇勸遣歸鎮莊宗悔之 知莊宗不能久 莊

宗難作因邀蜀貢殺使者 據忠愛方歸 從誨進 峽州 明宗攻取其三州遂臣吳 子 贖

罪銀三千兩于明宗 復封南平王 修戰船備 討具蜀敬塘大喜然陰通安重進 求郢州不得

至漢興奉表勸進而求之又不得遂攻郢而敗 邀掠南漢閩楚貢道又所向稱臣利其賜予號高

賴保融 助世宗征淮勸李景稱臣 歲入貢 迂 子 緩無能事皆委弟保勗 宋興一歲三入

貢保勗 子繼冲 王師使慕容延釗假道討周保權 亂將張文表孫光憲勸以貞主受

命當封府庫以待 繼 據荆統三州凡五十七年 冲迎延釗降率放歸朝

東漢劉昱

劉知遠母弟無賴嘗黥為卒事知遠河東與郭威不叶謀舉兵而威立昱子贇繼

漢故昱罷兵贇被弑昱偕號結契丹攻周連歲敗績周祖崩求契丹兵大舉又大敗于高平

世宗進圍太原三月不克昱亦憂死昱嘗謂張元徽吾以高祖之業贇之冤不得不爾顧我是何

天子爾是何節度故雖承鈞昱子改元立廟偕號而不改元不立宗廟契丹助攻上黨

無所得地狹產薄又奉契丹國用日削賴五臺山僧繼顯以足用宋興昭義李筠叛我太祖責

之曰家世非叛者區區守此懼漢氏繼恩知遠甥之不血食也太祖哀其言不加兵承鈞養

為子侯霸繼元承鈞養子盡殺劉氏子孫據州榮殺之太祖征之未降興國四年降

十一治太原傳二十八年

四夷

契丹

分八部而推大人統之安巴堅為大人乘劉守光之暴掠州縣居之率漢人耕種為城郭廛

市如幽州漢人安之盡滅諸部與李克用約擊梁而背之稱臣于梁約梁滅晉克用恨之死

以屬莊宗取晉新州莊宗使周德威討之為其所圍親征而後解所用多漢人王處直召之

空國入寇莊宗敗之然自此有窺中國心欲擊女真恐中國乘虛乃通好莊宗偕號子耶律

德光救定州王都為王晏球所敗喪托諾策稜喀瑪爾等名將遂西徙寇雲朔間明宗以石敬瑭禦

之敬瑭事德光為父德光立敬瑭為帝盡有鴈門以北遂合十六州以幽州為燕京國號大遼

晉歲輸絹三十萬供獻相屬于道出帝不稱臣數敗契丹契丹卒誘趙延壽與入汴虜出帝改

晉為遼 漢興所在殺其守將應漢德光懼自汴
北歸道死鹽為帝妃 初德光許延壽滅晉則帝

之已而不與 東丹王元欲鎖延壽自立于鎮州
因舒魯安已堅妻 欲入寇舍音殺之 德光

子舒魯立夜飲晝睡號睡王 世宗北伐取三關
於口關 益洋關置雄州 瓦橋關置霸州及瀛

莫州兵不血刃
庖人因其醉殺之

奚 匈奴別種居幽州西南分五部 契丹唐之附
于劉守光始分東西奚東奚後為契丹所并

吐渾 居青海上或曰乞伏乾歸之裔 大姓有慕容
拓拔赫連等族 在晉獻鴈門以北遂屬契丹

國 若契丹蒨盧安重榮招之入處中
劉知遠圍之殺其族籍其資

達旦 靺鞨遺種居奚契丹東北 契丹攻之部族分
散其居陰山號達旦 從朱耶訥龐勍克用破

黃巢由是入居雲代其他諸族散處沿邊甚衆無國地君長可紀云

突厥

唐末為諸夷所侵五代雖朝貢微甚

吐蕃

微弱回鶻黨項諸夷分其地惟甘涼瓜少通中國

回鶻

嘗妻唐女呼中國為舅為黠憂斯所侵石雄張仲武所破故後屬吐蕃五代始入貢

于闐

去京萬里與婆羅門鄰入貢石晉河源至于闐分為三三河產玉各異色

高麗


唐末國主姓高明宗時國主王建其繼立必請命中國世宗市其銅鑄錢貢五萬斤又

進其國之書

南詔

僖宗在蜀約妻之而食言崇韜破蜀諭以威德不納朝貢明宗為昭遠報之不得達

占城居西南海上地方千里北抵驩州俗與大食同通中國自周顯德五年入貢始



古今紀要卷十六